


DS
735
A2Y86
1771a
V. 47



御批歷代通鑑輯覽卷之九十三

宋

理宗皇帝

辛亥淳祐十一年。蒙古憲宗元年。夏六月。蒙古主莽賚扣立。是爲憲宗。

初。定宗殂。久未立君。中外洶洶。至是。諸王穆格。舊作木哥。大

將烏特哩哈達。蘇布特之子。舊作兀良合台。今並改。等議所立。時定宗后

所遣使在坐。曰。昔太宗命以皇孫錫哩瑪勒爲嗣。諸王

百官皆與聞之。今錫哩瑪勒故在。而議他屬。將寘之何

地邪。烏特哩哈達等不聽。共推莽賚扣卽位于奎騰敖

拉。舊作潤帖兀。阿蘭。今改。之地。追尊考圖類爲帝。廟號睿宗。錫哩瑪勒

及諸弟。心不平。莽賚扣因察諸王有異同者。並羈縻之。

取主謀者誅之。遂頒便宜事于國中。罷不急之役。凡諸王大臣濫發牌印詔旨宣命。盡收之。政始歸一。

秋七月。蒙古主命其弟呼必賚總治漠南。開府金蓮川。

宣在

化府赤城縣獨石口北。方輿紀要。金世宗納涼之地。產黃花。狀若芙渠而小。川故以名。

詔凡軍民在漠南者。聽呼必賚總之。遂開府于金蓮川。

時姚樞隱居蘇門。呼必賚遣趙璧

字寶仁。雲中懷仁人。

召之。樞至。

大喜。待以客禮。樞乃爲書數千言上之。首陳帝王之道。

與治國平天下之大經。彙爲八目。曰修身。力學。尊賢。親

親。畏天。愛民。好善。遠佞。次及救時之弊。爲條三十。呼必

賚奇其才。動必召問。樞因言于呼必賚曰。今土地人民

財賦。皆在漢地。王若盡有之。則天子何爲。後必有間之。

清之負絲櫓和狼狙為奸
實已終身之玷雖端平初
正人或由引用特藉以釋
衆憾而謝譏訐非真薦賢
為國也史稱其不好立異
若有怨詞而不知其失足
在前不復能與彌遠相抗
則始終一依阿淟忍之流
其晚節類唐興兵啟禍
斯謂當世已哉

者矣。不若悅持兵權。凡事付之有司。則勢順理安。呼必

賚從之。

元世祖事始此。

蒙古遣察罕等將兵分道侵淮蜀。

冬十一月鄭清之卒。

清之以老病固求解政。遂以太傅充醴泉觀使。奉朝請。

越六日而卒。

清之不好立異。自與史彌遠議廢立。得至幸輔。然端平之初。召用正人。清之之力也。

其再相。則年齒衰暮。政歸妻子。閑廢之人。或因緣以賄進。為世所少。

以謝方叔

字德方。威州人。

為左丞相。吳潛為右丞相。並兼樞密使。

時二揆虛席。嵩之貨遊士上書薦已。喧傳麻制已下。衆

心洶洶。及聽宣制。則方叔潛也。始帝欲相嵩之。中夜忽

悟。召學士改相二人。

蒙古呼必賚置經畧司于汴。分兵屯田。

自庫騰取漢上諸郡。因留軍戍境上。繼而襄樊壽泗復

降。而壽泗之民盡為軍官分有。由是降附路絕。雖歲侵

淮蜀。軍將唯利剽殺。城無居民。野皆榛莽。至是呼必賚

從姚樞之請。置經畧司于汴。以莽噶舊作忙哥。今改。史天澤。楊

惟中。趙璧為使。俾屯田唐鄧等州。授之兵牛。敵至則戰。

退則耕田。西起襄鄧。東連清口。注見桃源本桃園鎮元置縣。後譌闕。

為源。今縣屬淮安府。列障守之。

蒙古號西域僧納摩舊作那摩。今改。為國師。

納摩西域竺乾國人。與兄鄂托齊舊作幹脫。亦。今改。俱學浮屠。

定宗嘗命鄂托齊佩金符。奉使省民瘼。至是蒙古主復

尊禮納摩。令總天下釋教。鄂托齊亦貴用事。

壬子十二年春二月乙卯朔日食。

蒙古主莽賚扣徙諸王于邊。殺定宗后烏拉海額錫。竄錫

哩瑪勒于摩多齊。

地名。方輿紀要在和林西北。舊作沒脫赤。今改。

蒙古主莽賚扣以諸王嘗欲立錫哩瑪勒。乃徙太宗后

克勒奇庫塔納。

舊作乞里吉忽帖尼。今改。

于奎騰傲拉之西。分遷諸

王于各邊。以太宗后妃家貲分賜諸王。定宗后及錫哩

瑪勒母以厭禳。並賜死。禁錮錫哩瑪勒于默多齊之地。

夏六月閏浙大水。

嚴衢。麥信台處建劍邵。同日大水。冒城郭。漂室廬。人民

死者以萬數。詔遣使分行賑卹之。徐清叟言。漢時關中

大水翼奉以爲后親舊之故。今宜少抑宦官戚畹。以回天意。

蒙古分漢地封宗屬。

蒙古主以中州封同姓。命弟呼必賚于汴京關中。自擇其一。姚樞曰。南京河徙無常。土薄水淺。瀉鹵生之。不若關中。呼必賚遂請于蒙古主。蒙古主曰。關中戶寡。河南懷孟地狹民夥。可取自益。由是盡有關中河南之地。呼必賚遂分遣使戍興元諸州。又奏割河東解州鹽池以供軍。立從宜府于京兆。屯田鳳翔。募民受鹽入粟。轉漕嘉陵。

秋。八月。蒙古使呼必賚將兵擊大理。

宋史于余玠忽褒忽貶迄無定論夫余玠帥蜀時慷慨自許固不免大言不慚其狃于小捷而驕尤失之淺率然其出兵本意則未可盡非雖與元遇敵無功亦未嘗有所挫失若蒙古之侵掠蜀地自庫騰之陷成都已然不獨此時也乃以嘉定被攻歸咎余玠不過當時庸懦畏兵之流妄騰口說豈得為確論哉

冬十月蒙古兵入嘉定府。

蒙古汪德臣將兵掠成都薄嘉定四川大震守將俞興元用等夜開關力戰始解去議者謂余玠出師之誤有以召之。

十一月詔求直言。

時臨安火三日乃熄詔求直言帝又諭輔臣曰近來早朝多奏臣下辭免等細事而事體大者乃從繳進甚非臨朝聽政之意自今宜就早朝面奏。

^{癸丑}寶祐元年春正月詔以與芮子禔爲皇子封永嘉郡王。

帝在位歲久無子羣臣屢以爲言至是下詔以母弟嗣榮王與芮子孜爲皇子賜名禔封永嘉郡王明年進封

忠王。

二月己酉朔日食。

蒙古城利州。

蒙古汪德臣先城沔州。至是又城利州。且耕且守。蜀土不可復矣。

夏五月召余玠還。六月以余晦爲四川宣諭使。

初利州都統王夔素殘悍號王夜叉恃功驕恣桀驁不受節度所至刦掠蜀人苦之玠至嘉定夔帥所部兵迎謁班聲如雷江水爲沸旗幟精明舟中皆戰掉失色而玠自若也徐命吏班賞夔退謂人曰儒者中乃有此人玠久欲誅夔獨患其握重兵居外謀于親將楊成成曰。

今縱弗誅。養成其勢。後一舉足。西蜀危矣。玠意遂決。夜

召夔計事。潛以成代領其衆。夔纔離營。而新將已單騎

入矣。夔至。玠斬之。會戎州帥欲舉統制姚世安爲代。玠

素欲革軍中舉代之弊。以三千騎至雲頂山下。在潼川

縣南。迤邐層遣都統金某往代世安。世安閉關不納。而

世安素結丞相謝方叔子姪。至是求援于方叔。方叔遂

倡言玠失戎利心。帝惑之。世安乃與玠抗。玠鬱鬱不樂

玠專制西蜀。凡有奏疏。詞氣不謹。帝不能平。曾徐清叟

入對。語及玠。因言玠不知事君之禮。陛下何不出其不

意而召之。帝不答。清叟曰。陛下豈以玠握大權。召之或

不至耶。臣度玠素失士心。必不敢。帝然之。乃以資政殿

學士召而以知鄂州余晦爲宣諭使

尋授制置使

秋七月資政殿學士余玠暴卒

玠之治蜀也任都統張實治軍旅安撫王惟忠

字肖曾鄞人

治財賦監簿朱文炳接賓客皆有常度自寶慶以來蜀

閫未有及之者然久假便宜之權不顧嫌疑昧于勇退

遂來讒賊之口又置機捕官雖足以廉得事情然寄耳

目于羣小故人多懷疑懼至是聞召不自安一夕暴疾

卒或謂仰藥死蜀人莫不悲之

明年侍御史吳燧等劾玠聚斂罔利七罪詔籍

錄玠家財以犒師賑邊其子如孫認錢三十萬徵之累年始足

冬十二月蒙古呼必賚滅大理遂入吐蕃降之

呼必賚以烏特哩哈達總諸軍事分三道進自臨洮

今

昌府洮州衛。金元時屬臨洮府。蓋由此取道。自洮岷而松潘以達雲南也。經行山谷二千餘

里至金沙江。即古麗水。以產金沙故名。源出西番。流逕雲南麗江諸府境。下流至四川馬湖入大

江。乘革囊及楫以濟。摩莎蠻主。今麗江府。唐宋時為摩莎蠻地。迎降。進

薄大理城。大破其兵。虜其王段智興。段氏自石晉天福初。建國曰大理。至

宋熙寧中。段氏絕高氏代之。元符初。段氏復興。號後理國。至是始亡。分兵取附都鄯善。當

鄯。闡。真記。蒙氏名都曰苴咩。別都曰鄯。闡。苴咩今大理府。鄯。闡。今雲南府也。烏爨。注詳後。等部。

進入吐蕃。其酋蘇固圖。舊作唆火。脫今改。懼而出降。兵威所加。

鮮不欵附。呼必賚遂班師。留烏特哩哈達攻諸夷之未

附者。

二年春正月。蒙古呼必賚以姚樞為京兆勸農使。

樞從呼必賚征大理。嘗遇夜宴。陳宋太祖遣曹彬取南

唐不殺一人市不易肆事。明日呼必賚據鞍呼曰。汝昨夕言曹彬不殺事。吾能爲之。吾能爲之。及師至大理。呼必賚命樞裂帛爲旗。書止殺之令。分號街陌。由是民得相完。呼必賚旣還京兆。以樞爲勸農使。教民耕植。

二月余晦遣兵城紫金山。

在潼川府鹽亭縣北

蒙古襲取之。

紫金山。蜀之要地。余晦遣都統甘閏以兵數萬城之。蒙古汪德臣選精卒銜枚夜進。大破之。閏僅以身免。城遂爲蒙古所據。

夏。六月。加賈似道同知樞密院事。

召余晦還。閏月。以李曾伯爲四川宣撫使。置司夔州。

初。晦帥蜀制下。徐清叟奏曰。朝廷命令不甚行于西蜀。

者十有二年。今者天斃余玠。乃陛下大有爲之機也。今以素無行檢。輕儇浮薄。不堪任重。如余晦者當之。臣恐五十四州軍民。不特望而輕鄙之。蒙古聞之。亦且竊笑中國之無人矣。乞收回所除內批。帝不聽。及晦在蜀。屢敗邊事。日急。帝乃召晦還。而以李曾伯代晦。

秋九月。殺利州西路安撫使王惟忠。

惟忠以余晦鎮蜀。心輕之。呼其小字曰。余再五來也。晦怒。誣奏惟忠潛通北國。詔下大理獄。勘官陳大方鍛成其事。遂斬于市。血上流而色不變。且謂大方曰。吾死訴于天。未幾。大方亦死。

冬十一月。蒙古呼必賚以廉希憲

字善甫。輝和爾人。博囉哈雅子。舊作布魯海牙。

改今爲京兆宣撫使

希憲篤好經書。一日方讀孟子。聞召。因懷以進。呼必賚。問其說。希憲以性善義利仁暴之旨爲對。呼必賚善之。目爲廉孟子。又一日。與諸貴臣校射。連發三中。衆驚服。曰。真文武材也。呼必賚自大理還。以京兆分地置宣撫司。命希憲爲使。京兆控制隴蜀。諸王貴藩。分布左右。民雜戎羌。尤號難治。希憲講求民病。抑強扶弱。境內大安。蒙古張柔城亳州。

柔以連歲勤兵。兩淮艱于糧運。奏請據亳之利。蒙古主乃召柔。率山前八軍。城而戍之。柔又以渦水北隘淺。不可舟。軍旣病涉。曹濮魏博粟皆不至。又以在亳。州南。

是時武弛于外。文恬于內。民怨于下。所以于天怒者。多矣。區區罷張燈一事。豈足以格天心。

爲宋往來之道。俱築甬路。一自毫而汴。一自毫而南。置堡立柵。密爲偵邏。由是糧無不達。

乙卯三年春正月。迅雷。罷元夕張燈。

起居郎牟子才

字存安。井研人。

上疏言。元夜張燈。侈靡倡優。下

賤。奇技獻笑。媒汙清禁。上累聖德。今震霆示威。願聖明覺悟。天意可回。帝納其言。

二月。治全子才等喪師罪。罷其祠祿。

蒙古侵漢蜀荆淮。帝深憂之。給事中王埜

字子文。金華人。言。國

家與蒙古本無深讐。而兵連禍結。皆原于入洛之師。輕而無謀。遂致隻輪不返。乞罷全子才。劉子澄。祠祿。以爲喪師誤國之戒。從之。

蒙古呼必賚徵許衡

字平仲河內人徙河南

爲京兆提學

衡幼有異質稍長嗜學如饑渴然遭世亂且貧無書嘗

從日者家得書疏義避難徂徠

山在泰安府東南水經注山多松栢詩所謂

徂徠之松也

得王弼易畧例夜思晝誦言動必法義旣而

亂少定往來河洛間從姚樞得程朱氏書益有行尋居

蘇門與樞竇默

字子聲初名傑字漢卿廣平肥鄉人

相講習慨然以道自

任嘗語人曰綱常不可一日亡于天下苟在上者無以

任之則在下之任也是時秦人新脫于兵欲學無師聞

衡來人人莫不喜幸于是郡縣皆建學民大化之

三月雨土

夏五月四川地震閩浙大水

以宦者董宋臣幹辦佑聖觀。

宋臣迎逢上意。起梅堂芙蓉閣。香蘭亭。豪奪民田。引倡優入宮。招權納賄。無所不至。人以董間羅目之。監察御

史洪天錫

字君疇。泉州晉江人。

上疏言。天下之患三。曰宦官。外戚。

小人。蓋指宋臣及謝堂。厲文翁。

字聖錫。東陽人。

帝俾天錫易疏。

欲自戒飭之。天錫又言。自古姦人雖憑怙。其心未嘗不畏人主之知。苟知之而止于戒飭。則憑怙愈張。不若未知之爲愈也。不報。

六月。以丁大全

字子萬。鎮江人。

爲右司諫。

大全面藍色。爲戚里婢壻。黃緣閹妃。及內侍盧允升。董宋臣。遂得寵于帝。自蕭山尉累拜右司諫。時正言陳大

方侍御史胡大昌與大全同除人目爲三不吠犬。

罷監察御史洪天錫。秋七月。謝方叔徐清叟免。

天錫以時雨土其異爲蒙力言陰陽君子小人之辨。又言蜀中地震。閩浙大水。上下窮空。遠近嗟怨。獨貴戚宦閹享富貴耳。舉天下窮且怨。陛下能獨與數十人者共天下乎。會吳民列愬宦官董宋臣奪其田。天錫下其事有司。而御前提舉所謂田屬御莊。不當白臺。儀鸞司亦牒常平。天錫謂御史所以雪冤。常平所以均役。若中貴人得以控之。則內外臺可廢。猶爲國有紀綱乎。乃申劾宋臣。併盧允升。及言修內司。止于供繕修。比年動曰御前。姦賊之老吏。逃逋之兇渠。一竄名其間。則有司不得

舉手。狡者獻謀。暴者助虐。其輾轉受害者。皆良民也。願
母使史臣書之。曰。內司之橫。自今始。疏六七上。悉留中。
天錫遂去。宗正寺丞趙崇嶠。移書責丞相謝方叔。不能
正救。而讒者又曰。天錫之論。方叔意也。于是監察御史
朱應元。論罷方叔。及參知政事徐清叟。宋臣允升。猶以
爲未快。厚賂人上書。力詆天錫。方叔且乞誅之。使天下
明知宰相臺諫之去。出自獨斷。于內侍初無預焉。于是
方叔出提舉洞霄宮。

西南夷盡降蒙古。

烏特哩哈達。自吐蕃進攻白蠻。烏蠻。鬼蠻。諸部。

考唐書南蠻傳。

蠻有東西爨。西爨謂之白蠻。東爨謂之烏蠻。又有大勃弄。小勃弄。其酋曰大鬼主。蠻俗好鬼。謂主祭者曰鬼主。

故又謂之鬼蠻也。皆在今雲南諸府境。所向風靡。羅羅斯及阿伯兩國與

阿魯俱蠻部名。大懼。舉國以降。又乘勝攻下阿魯諸酋。西南夷

悉平。得五城。八府。四郡。蠻部三十七。

八月。以董槐字庭植。濠州定遠人。為右丞相兼樞密使。

槐嘗言于帝。有害政者三。一戚里不奉法。二執法大吏擅威福。三皇城司不檢士。三害不去。政且廢。願自上除之。于是嫉之者滋甚。

丙辰四年春三月。以蒲擇之為四川制置使。置司重慶。夏四月。加賈似道參知政事。

職任依舊。似道威權日盛。臺諫嘗論其二部將。即毅然求去。孫子秀字元實。餘姚人。新除淮東總領。外人忽傳似道已

密奏不可矣。執政遂不敢遣子秀。以似道所善陸壑字景

思。會稽人。代之。其見憚如此。

五月賜禮部進士文天祥字朱瑞。又字履善。吉水人。及第。

天祥以法天不息為對。其言萬餘。帝親拔為第一。考官

王應麟字伯厚。慶元府人。奏曰。是卷古誼若龜鑑。忠肝如鐵石。

臣敢為得人賀。

六月丁大全逐右丞相董槐。詔罷槐提舉洞霄宮。竄太學

生陳宜中字與權。永嘉人。等于遠州。

槐自以為人主所振拔。苟可以利國家者。無不為。時帝

年寢高。操柄獨斷。羣臣無當意者。漸喜狎佞人。丁大全

方諂事內嬖。得侍御史。竊弄威權。帝弗覺悟。大全嘗遣

大全刻求槐短絕不一露
端倪以靜待槐之舉動而
槐入告果極言其邪佞不
覺已墮其術中尚冀能
聽納乎理宗未嘗短卿卿
勿疑之語論者止議其曲
事調停不知理宗亦為大
全所愚逃而不悟意中固
已輕重而重丁故于進言
之時不復能察其曲直一
指之蔽不見泰山矧小人
巧偽百出理宗烏足以語
此

客私于槐。槐曰：吾聞人臣無私交。吾惟事上，不敢私結。
約。幸為謝丁君。大全度槐終不容已，乃日夜刻求槐短。
槐入對，極言大全邪佞不可近。帝曰：大全未嘗短卿卿。
弗疑。槐曰：臣與大全何怨？顧陛下拔臣至此，臣知大全
姦邪而噤不言，是負陛下也。且陛下謂大全忠，而臣以
為姦，不可與俱事陛下矣。上書乞骸骨，不報。大全益怨
之。乃上章劾槐。章未下，大全夜半以臺檄調閩兵百餘
人，露刃圍槐第，驅迫之出，給令與槐至大理寺，欲以此
脅之。須臾出北關，棄槐，囂呼而散。槐徐步入接待寺，罷
相之制始下。物論殊駭。三學生屢上書言之，乃召槐以
觀文殿大學士提舉洞霄宮。大全既逐槐，益恣橫用事。

道路以目。太學生陳宜中、黃鏞、林則祖、曾唯、劉黻

字毅伯，樂

清人，陳宗六人上書攻之。大全怒，使御史吳衍劾之，削其

籍，編管遠州，立碑三學，戒諸生勿得妄議國政。士論翕

然稱宜中等號為六君子。

秋七月，以程元鳳

字申甫，徽州人

為右丞相兼樞密使。

九月，監察御史朱熠

溫州平陽人

乞汰冗吏，不報。

熠言：境土蹙而賦斂日繁，官吏增而調度日廣。景德慶

歷時，以三百二十餘郡之財賦供一萬餘員之俸祿。今

日以一百餘郡之事力贍二萬四千餘員之冗官。邊郡

則有科降支移，內地則欠經常納解，欲寬民力，必汰冗

員。帝嘉之，而不能用。

蒙古城開平府

在宣化府獨石口東北本金桓州地元置府後加號上都明改衛永樂中徙衛于獨

石故城

遂廢

初耶臺人劉秉忠

字仲晦

英爽不羈以家貧爲府令史一

日因案牘事不愜意嘆曰吾家奕世衣冠今乃汨沒爲

刀筆吏乎卽棄去隱居武安山

武安縣之山也武安注見前

尋爲僧

于天寧寺往來雲中值呼必賚道人召僧海雲邀秉忠

與俱旣入見應對稱旨秉忠于書無所不讀尤邃于易

及邵氏經世書至于天文地理律歷三式六壬遁甲之

屬無不精通論天下事如指諸掌呼必賚大愛之凡征

伐謀議皆與至是蒙古主欲建城市修宮室爲都會之

所呼必賚以秉忠薦因命相宅秉忠以桓州

注見前東灤

水

注亦見前

北之龍岡

即古卧龍山。在今名巴罕呼喇呼山。

為吉。詔秉

忠營之命曰開平府

冬十一月

以張璠

字渭老福州人

同知樞密院事。丁大全簽書院

事。馬天驥

字德夫衢州人

同簽書院事。

時閹妃怙寵。大全天驥用事。有無名子書八字于朝門

曰。閹馬丁當國勢將亡。

十二月。罷知嚴州吳槃。

帝以御寶黃冊。催內藏坊場錢。槃奏言。內庫理財太急。督促太峻。龍章鳳篆。施于帑藏之催科。寶冊泥封。下同官吏之文檄。居萬乘之崇高。而商財賄之有無。事雖至微。關係甚大。董宋臣諷臺諫邵澤劾罷之。

丁巳五年春正月。加賈似道知樞密院事。召吳淵。字道父。參

知政事。淵未至卒。

淵有才畧。所至有能名。然政尚嚴酷。好興羅織之獄。籍
入豪橫。故時有蜈蚣之謠。至是自荆湖制置使召還。未
至卒。

蒙古罷呼必賚開府。命阿拉克岱爾行省事于京兆。

或讒呼必賚得中土心。蒙古主遣阿拉克岱爾行省于
京兆。劉太平佐之。鈎考諸路財賦。置局關中。推集經畧。
宣撫官吏。下及征商。鍛鍊羅織。無所不至。曰。俟終局日。
人此罪者。惟劉哈瑪爾。史天澤。以聞。餘悉誅之。呼必賚
聞之不樂。姚樞曰。帝君也。大王爲弟。臣也。事難與較。遠

將受禍。莫若盡王邸妃主自歸朝廷。爲久居謀疑將自釋。及呼必賚見蒙古主。皆泣下。竟不令有所白而止。因罷鈞考局。而呼必賚所署置諸司皆廢。

蒙古攻襄陽入其郭。

蒙古董文蔚

字彥華真定藁城人俊次子

旣城光化棗陽儲餼糧會

攻襄陽樊城南據漢江北阻湖水卒不得渡文蔚夜領兵于湖水狹隘處伐木拔根立于水竇以薪草爲橋項之卽成至曉兵悉渡圍已合城中大驚文蔚復統軍前行奪外城襄陽守將高達力戰于白河乃還。

夏六月蒙古將烏特哩哈達入交趾屠其城。

烏特哩哈達兵入交趾遣使諭降皆見囚及至洮江

卽富

良江上流。在安南國臨洮府北。與程考雲南入交趾。有二道。自洮江而分。一循江之左。一循江之右。交人戰敗。其王陳日照走海島。蒙古得前所遣使于獄中。以破竹束體入膚。比釋縛。一使死。因屠其城。留九日。以熱不能堪。班師。

秋八月。蒙古主莽賚扣分道南侵。以其少弟阿里克布克守和林。

蒙古諸王伊遜克

舊作亦孫哥。

駙馬約索爾

舊作也速等。請

伐宋。蒙古主亦怒。前使被囚。

先是伊拉瑪斯等被囚。久之。伊拉瑪斯死。餘使者至。

寶祐二年。始釋還。

乃命諸王阿里克布克居守和林。阿拉克岱

爾輔之。自將南侵。軍四萬。號十萬。分三道入。蒙古主由

隴州趨散關。諸王穆格由洋州趨米倉。

山名。在保寧府。南江縣北。與大

巴山接。舊有闕。萬戶布爾察克。舊作李里。今改。由潼關趨汴州。

回鶻貢于蒙古。

回鶻獻水晶盆。珍珠傘等物。可值銀三萬餘錠。蒙古主

曰。方今百姓疲弊。所急者錢爾。朕獨有此何爲。却之。賽

音諤德齊。舊作賽典。赤。今改。以爲言。蒙古主稍償其值。且禁其

勿復有所獻。

戊午。六年春二月。以馬光祖爲京湖制置使。

光祖爲松江制置。辟召僚屬。皆極一時之選。至是移鎮

江陵。以汪立信。六安人。澈從孫。呂文德。王登。字景宋。德安人。王鑑。爲參

議官。

蒲擇之率兵復成都。及蒙古戰。敗績。乃還。

蒙古耨埒

沙卜珠岱人。按耨埒舊作紐璘。沙卜珠岱舊作珊竹帶。今並改。

將前軍欲會

都元帥阿都固

舊作阿答胡。今改。

于成都。擇之遣安撫劉整

武子

仲鄧州穰城人。

等據遂寧江箭灘渡。

在潼川府遂寧縣東。涪江津濟處。

以斷東

路。耨埒軍至不能渡。自旦至暮大戰。整等軍敗。耨埒遂

長驅至成都。擇之命楊大淵

天水人。

等守劍門及靈泉山。

在遂寧縣東。數峯壁立。山頂流泉不竭。

自將兵取成都。會阿都固死。耨埒

率諸將大破大淵等于靈泉山。進圍雲頂山城。扼其歸

路。擇之兵潰。城中食盡。殺主將以降。成都彭漢懷綿等

州威茂諸蕃悉降蒙古。

蒙古入西域。平克什密爾

方輿紀要在拂菻北。拂菻在西海上。杜佑曰。拂菻西瀕海。東南

接波斯。是也。舊作乞石迷。今改。諸國。

初蒙古遣宗王轄魯伐西域。至是轄魯以綽勒們諾延

舊作抄馬

那顏今改。郭侃總統諸軍。前後平西域克什密爾十餘

國。轉圍萬里。又西渡海。收富浪國。遣使獻捷。轄魯遂留

鎮西域。

夏四月。程元鳳罷。以丁大全為右丞相兼樞密使。

時大全謀奪相位。元鳳謹飭有餘。而乏風節。遂力請罷

秋九月。蒙古主莽賽扣入劍門。冬十一月。破鷺頂堡。在保寧府

昭化縣西南。方輿紀要。頂當作項。諸城。

擄埒間蒙古主攻漢中。遂留密喇卜和卓。舊作密里。霍者。今改。劉

哈瑪爾等守成都。自帥眾渡馬湖。金沙江下流也。舊置府于此。今併入敘州。

府江。由此獲守將張實。考元史擄埒傳。擄埒父塔塔爾入于大江。獲守將張實。與續綱目不同。

遣招苦竹隘。在保寧府劍州北小劍山頂。四際斷崖。前臨巨壑。實入隘。遂與守

將楊立堅守。蒙古主渡嘉陵江。注見前。至白水。即白水江。自陝西階

州文縣。流逕昭化縣西北。又東南合嘉陵江。命總帥汪德臣造浮橋以濟。進

次劍門。至苦竹隘。使其將史樞。字子明。天倪弟。天全之子。急攻取之。

楊立迎戰于巷。敗死。蒙古獲張實。殺之。因殲其餘眾。十

一月。進圍長寧山。在昭化縣西南。上平下險。守將王佐。徐昕戰敗。蒙

古進攻鷺頂堡。知縣王仲降。城遂破。佐死焉。蒙古主入

城。殺佐之子。及徐昕等四十餘人。由是青居。山名。在順慶府南充

縣南。宋末徙順慶府治此。大良。注見前。運山。當作雲山。注見前。石泉。唐縣。今屬龍安府。

龍州。今龍安府是。守將劉淵蒲。元珪。張大悅。趙順等。俱以城

降。惟運山轉運使施擇善不屈死。蒙古諸王穆格。塔齊

漣海與淮揚有輔車之勢
守禦宜嚴至連拔四城官
軍幾盡主帥豈得無咎理
宗乃于似道請罪下詔特
原非惟無以示公亦且何
以勵眾紀綱凌替極矣

爾並略地還引兵來會。

以賈似道為樞密使兩淮宣撫使。

蒙古將李璫

李全子。或曰日本衛州徐氏子。全養為子。

陷海州漣水軍賈似道

上書請罪。詔不問。

璫取漣海拔四城殺官軍幾盡淮揚大震似道抗章引

咎。詔特與放罪。

十二月詔馬光祖等進軍歸峽州以援蜀。

詔光祖移司峽州六郡鎮撫向士璧

字君玉。常州人。

移司紹慶。

今四川黔彭廳彭水縣。宋置紹慶府治此。

士璧遂進師歸州與光祖迎戰房

州蒙古少却。

蒙古主莽賚扣入閬州守將楊大淵以城降。

蒙古至大獲山遣王仲入招大淵大淵殺之蒙古主督

諸軍力攻大淵懼遂以城降推官趙廣死之大淵尋逃

歸蒙古主怒欲屠其城將官李呼哩雅濟

舊作李忽蘭吉今改曰

大淵去事未可測亟追之乃單騎至城下門未閉大呼

入城曰皇帝使我撫汝軍民即下馬執大淵手曰上方

宣諭賞賜不待而來何也大淵曰恐城寨有他變是以

亟歸耳因與偕來蒙古主大悅以大淵爲都元帥

已未開慶元年春正月以賈似道爲京湖南北四川宣撫大

使

移馬光祖爲沿江制置使史巖之副之似道尋兼督江

西二廣人馬

蒙古烏特哩哈達掠靜江。注見前。遂圍潭州。

烏特哩哈達率兵三千。蠻獠萬人。破橫山。峒名。在廣西南寧府東橫

山上。烏特哩哈達由交趾進兵。此為孔道。徇內地。守將陳兵六萬以俟。烏特

哩哈達潛自間道衝其中堅。大敗之。乘勝蹴賓州。與下

俱唐置。今並屬柳州府。蹂象州。入靜江府。連破辰沅。抵潭州。官軍

斷其歸路。烏特哩哈達掠官軍後。命其子阿珠。舊作阿

橫擊于前。官軍敗走。遂壁城下。時向士壁帥潭。竭力守

佑帥五百衆覘之。遇于南嶽市。大戰。蒙古少却。南嶽

市。在長沙府善化縣西。嶽麓山南。湘江繞其東麓。亦曰

鎮。二月。蒙古主莽賚扣圍合州。王堅力戰禦之。

蒙古主遣降人晉國寶招諭合州。王堅執之。殺于閤武

場。蒙古主乃自引兵趨合州。自雞爪灘渡。

灘在合州東北嘉陵江中。

直抵城下。堅力戰以守。蒙古會師圍之。

三月。以呂文德爲四川制置副使。

蒲擇之在蜀無功。詔以文德代之。

時蒙古軍中大疫。將議班師。文德乘風順。

攻涪江浮橋。方戰。得入重慶。卽率艘幢千餘。汴嘉陵江而上。史天澤分軍爲兩翼。順流縱擊。奪戰艦百餘艘而還。

秋七月。蒙古主莽賚扣廂于合州。餘衆解圍北還。

王堅固守。蒙古主督軍攻之。屢戰不克。前鋒將汪德臣

選兵夜登外城。堅率兵逆戰。遲明。德臣單騎大呼曰。王

堅宜早降。語未旣。幾爲飛石所中。因得疾死。會天大雨。

攻城梯折。後軍不克進。蒙古主亦廂于合州城下。

立凡九年。

廟號

憲宗諸王大臣用二驢蒙以繪楷負之北行合州圍解。

蒙古主沉斷寡言不樂燕飲自謂遵祖宗之法然酷信巫覡卜筮之術凡行事必謹叩之始無虛目其殂也或傳其中飛矢云捷聞詔加堅寧遠軍節度使。

八月蒙古呼必資將兵渡淮九月渡江遂圍鄂州。

呼必資悉兵渡淮遂自將山大勝關。

在河南汝寧府羅山縣南

張柔

由虎頭關。

注見前

分道並進官軍皆遁呼必資至黃陂。

北齊

縣今屬漢陽府

漁人獻舟且為鄉導九月宗王穆格自合州遣

人以蒙古主凶訃告呼必資謂北遠以繫人望呼必資

曰吾奉命南來豈可無功遽還自登香爐山。

在漢陽府漢陽縣西

南俯瞰大江大江之北曰武湖。

在漢陽府黃陂縣東南亦曰黃漢湖元和志黃

祖闕武習戰之所

武湖之東曰陽邏堡。

在黃州府黃岡縣西北與武昌府江夏縣分界

今爲鎮其南岸卽蕲黃洲官軍以大舟扼江渡軍容甚盛

董文炳言于呼必賚曰長江天險宋所恃以爲國勢必死守不奪其氣不可臣請嘗之乃帥死士數十人當其前令其弟文用字彥材等載艤艫鼓櫂疾趨士叫呼畢奮鋒旣交文炳麾衆走岸搏戰官軍大敗明日遂帥諸軍渡江進圍鄂州中外大震

蒙古破臨江

宋軍今爲府屬江西

知軍事陳元桂

撫州人

死之蒙古遂

入瑞州

本南唐筠州宋改名今爲府屬江西

蒙古兵至臨江時制置使徐敏子在隆興今南昌府是頓兵

不進元桂力疾登城坐督戰力不能敵有欲抱而走者元桂曰死不可去左右俱遁兵至元桂瞠目叱罵遂死

之。蒙古兵入瑞州。知州陳昌世治郡有善政。百姓擁之以逃。

詔諸路出師以禦蒙古。大出內府銀幣犒師。

前後出緡錢七千七百萬。銀帛各一百六萬兩匹。

冬十月。丁大全有罪。免。

時蒙古侵軼日甚。大全當國。匿不以聞。遂罷相。以觀文

殿大學士判鎮江府。中書舍人洪芹繳

適之曾孫

言。大全鬼

蜮之資。穿窬之行。引用凶惡。陷害忠良。遏塞言路。濁亂

朝綱。乞追官遠竄。以伸國法。御史朱貔孫

字興甫。浮梁人。等相

繼論。大全姦回險狡。狠害貪殘。假陛下之刑威。以箝天

下之口。挾陛下之爵祿。以籠天下之財。饒虎臣

字宗召。寧國人。

又論其絕言路。壞人才。竭民力。誤邊防。四罪詔守中奉大夫致仕。

以吳潛爲左丞相兼樞密使。

潛入相。首言鄂渚被兵。湖南擾動。推原禍根。由近年姦臣儉士。設爲虛議。迷國誤君。仁賢空虛。名節喪敗。天怒而陛下不知。人怨而陛下不察。稔成兵戈之禍。章鑑字

秉分

寧人。高鑄嘗與丁大全同官。傾心附麗。躡躑要途。蕭泰

來等羣小。嚙沓國事日非。浸淫至于今日。沈炎

字若晦嘉興人

實其爪牙。而任臺臣。甘爲搏擊。奸黨盤據。血脉貫穿。以欺陛下。致危亂。望令炎等與祠。鑄等羈管州軍。帝不聽。卽拜賈似道右丞相兼樞密使。軍漢陽以援鄂。

南渡倖處臨安形勢已失
四明尤瀕海小郡高宗播
遷至此幾不能以自存前
車可鑒開慶圍困日蹙國
事更非理宗止應博訪盈
庭息浮議以勵戰守乃董
宋臣忽倡退避之謀何子
舉復主固守之策此南宋
安危之關鍵而議遷議阻
皆出自寺人之口可見舉
朝皆庸闇懦怯之流無一
人實心爲國者然宋室時
勢至此已無可爲亦不係
都之遷與不遷矣

內侍董宋臣請遷都。不果行。

時邊報日急。臨安團結義勇。招募新兵。增築平江。紹興
慶元。城壁。朝野震恐。宋臣請帝遷都四明。以避敵鋒。軍
器太監何子舉言于吳潛曰。若上行幸。則京師百萬生
靈。何所依賴。御史朱貔孫亦言。鑒興一動。則三邊之將
士瓦解。而四方之盜賊蠭起。必不可。會皇后亦請留蹕
以安人心。帝遂止。寧海節度判官文天祥乞斬宋臣。不
報。

蒙古呼必賚遣使招諭鄂州。守將張勝殺其使。出戰。敗死。
蒙古圍鄂州。都統張勝權州事。以城危在旦夕。登城諭
之曰。城已爲汝家有。但子女玉帛。皆在將臺。可從彼取。

賈似道以庸材建閫觀其
移軍黃州過游兵而驚惶
失措則臨陣畏葸情形概
可想見固宜為部眾所輕
然高達効職行間自當聽
宣撫約束豈有主帥督戰
而屬弁諧笑自如甚至使
其主喧嘩紀律何存呂文
德使人訶止跡雖涉于詔
而于大體實可無議至他
論功行賞似道遂以私
意軒輊其奸欺固不足論
然達竟因此積釐降元罪
實不容末減耳

蒙古信之遂焚城外民居將退會高達等引兵至賈似

道亦駐漢陽為援蒙古乃復進攻遣哲辰巴圖魯

奇卜索克

人舊作苦徹拔都兒今改領兵同降人諭鄂州使降抵城下勝殺使

者出軍襲哲辰巴圖魯戰敗死焉達恃其武勇殊易

道每見其督戰即戲之曰魏巾者何能為哉將戰必須

似道親勞始出否則使兵士譁于其門呂文德語事似

道使人訶曰宣撫在此何敢爾邪曹世雄向士璧皆從

在軍事未嘗關白似道由是銜三人而親文德

十一月詔賈似道移軍黃州遇蒙古俘卒于蘋草

一名于坪

在黃岡縣北今為驛獲之

諸路重兵咸聚于鄂蒙古兵由承全至潭江西大震吳

潛用御史饒應子言。移似道于黃州。黃雖下流。實當兵衝。孫虎臣以精騎七百送之。至蘋草坪。候騎言前有北兵。似道大懼。謂左右曰。奈何。虎臣匿似道出戰。似道嘆曰。死矣。惜不光明俊偉爾。及北兵至。乃老弱部所掠金帛子女而還者。江西降將儲再興。騎牛先之。虎臣擒再興。似道遂入黃州。

賈似道乞和于蒙古。呼必賚引還。鄂州圍解。

蒙古攻城益急。城中死傷者至萬三千人。似道大懼。乃密遣宋京諸蒙古營。請稱臣納幣。呼必賚不許。會合州守臣王堅。使阮思聰蹕急流走鄂。以蒙古主計聞。似道再遣京往。呼必賚亦聞阿拉克岱爾等謀立阿里克布。

克遣托郭斯

舊作脫忽思今改

括民兵。因集羣臣議。郝經

字伯常其

先潞州人。徙陵州。

曰。今國內空虛。塔齊爾。轄魯諸王。觀望所立。

莫不覬覦神器。一有狡焉。或啓戎心。先人舉事。腹背受

敵。大事去矣。願大王以社稷爲念。與宋議和。率輕騎而

歸。直造燕都。則姦謀冰釋。瓦解。遣一軍逆大行靈昇。收

皇帝璽。遣使召諸王會喪和林。命王子精吉木

世祖長子。追贈

裕宗。舊作真金。今改。

鎮守燕都。示以形勢。則大寶有歸。而社稷安

矣。呼必資以爲然。會宋京至。請稱臣。割江南爲界。歲奉

銀絹各二十萬。呼必資許之。遂拔砦而去。

十二月。蒙古烏特哩哈達引兵趨湖北。潭州圍解。

呼必資旣還。命張傑。閻旺。以偏師候烏特哩哈達。而遣

默德齊

赫魯克氏。按默德齊舊作邁鐵赤。赫魯克氏。舊作合魯氏。今並改。

將兵迎之。至

是烏特哩哈達解潭州之圍。引兵趨湖北。

庚申

景定元年。

蒙古世祖皇帝呼必賚中統元年。

春二月。蒙古烏特哩哈達

至鄂州。引還。賈似道使夏貴等殺其殿卒于新生磯。

在黃岡縣

西北亦曰新生洲。

蒙古張傑閻旺作浮橋。新生磯。烏特哩哈達兵至。傑等

濟師北還。賈似道用劉整計。命夏貴以舟師攻斷浮橋。

殺殿卒百七十人。

三月戊辰朔日食。

賈似道奏諸路大捷。召似道還朝。

似道匿議和稱臣納幣之事。以所殺獲俘卒殿兵上表。

敵師無端返旆自當詰問

其由乃一聞敵退僥倖息
肩遂以為功倖再造酬庸
惟恐不至而于事之虛實
不復致詳似道從此遂入
處鈞衡始則敗壞疆場繼
且廢傷國本理宗之昏耄
亦甚矣

言諸路大捷鄂圍始解江漢肅清宗社危而復安實萬
世無疆之休帝以似道有再造功召還朝

高麗王暎死蒙古呼必賚封其子俱為王俱後更名植

白氣如匹練亘天

蒙古主呼必賚立是為元世祖

先是呼必賚北還諸王哈丹舊作合丹今改穆格塔齊爾俱會

于開平轄魯自西域遣使勸進惟阿里克布克不至廉

希憲等力言先發制人後發人制逆順安危間不容髮

宜早定大計呼必賚然之遂即位建元中統

夏四月出內侍董宋臣于安吉州

蒙古主召寶默許衡至開平

然于金末避亂轉徙。隱于大名。與姚樞許衡朝暮講習。至忘寢食。蒙古主在潛邸。嘗召之。既至。問以治道。默首以綱常爲對。且曰。失此。則無以自立于世矣。又言帝王之道。在誠意正心。心既正。則朝廷遠近。莫敢不一于正。蒙古主敬待加禮。久之南還。至是。復與衡同召。

吳潛罷

初。賈似道在漢陽。以潛移之黃州。爲欲殺已銜之。至是。帝欲立忠王。禪爲太子。潛密奏云。臣無彌遠之才。忠王無陛下之福。帝遂積怒潛。似道因陳建儲之策。令侍御史沈炎劾潛。且云。忠王之立。人心所屬。潛獨不然。姦謀叵測。請速召賈似道正位。開軸。帝從之。遂罷潛奉祠。

理宗儲嗣未建。屬意忠王。吳潛或實見其不足當主。鬯之寄無妨。直陳正諫。顧諛詞沮止其意。何居至前。此沂邸入立事。由彌遠不能正始。理宗應倚內愧。于豈得擬不于倫對君而。

訂其所諱既乏懇摯之意
復蹈譏訕之愆遂使臺諫
糾彈似道轉得借正論以
逞其排擠之技厥後循州
死鼠情固可矜然潛亦實
有以自取之也

從北屏金剛寺 卷之九十三
加賈似道少師封衛國公將士進官有差。

似道既至詔百官郊勞如文彥博故事獎眷甚至諸將
士悉進官呂文德高達劉整夏貴孫虎臣范文虎向士
璧曹世雄各加轉有差初似道惡達在軍中嘗侮已言
于帝欲殺之帝知其有功不從故論功以文德爲第一
而達居其次似道既相權傾中外進用羣小變更法制
矣

蒙古初定官制。

蒙古自太祖以來諸事草創設官甚簡以斷事官爲至
重之任位在三公上丞相謂之大必且齊舊作大必齊
兵柄則左右萬戶而已後稍倣金制置行省及元帥宣

撫等官。至是元主旣立。大新制作。遂命劉秉忠。許衡酌古今之宜。定內外官制。其總政務者曰中書省。秉兵柄者曰樞密院。司黜陟者曰御史臺。其次內則有寺監院司衛府。外則有行省。行臺宣慰廉訪。其牧民則有路府州縣。官有常職。位有常員。食有常祿。其長則蒙古人爲之。而漢人南人貳焉。于是一代之制始備。

蒙古以廉希憲爲陝西四川宣撫使。商挺

字孟卿。曹州濟陰人。副之。

蒙古阿里克布克稱帝于和林。

阿里克布克聞呼必賚已立。命阿拉克岱爾發兵于漠北諸部。分遣心腹。易置將佐。散金帛。賚士卒。又命劉太平。霍魯懷。拘收關中錢穀。時渾塔噶

舊作渾都海。今改。

自先朝

將兵屯六盤。太平等陰相結納。渾塔噶復分遣人約成
都密喇卜和卓。青居奇塔特布哈。舊作乞台。不花。今改。同舉事。阿
里克布克遂自立于和林。

蒙古以王文統

字以道。益都人。

爲中書平章政事。張文謙

字仲謙。邢州沙

河爲左丞。

元史百官志。中書省。中統初。立左右丞各一員。秩正二品。

五月。文謙罷。

文統本李璫幕屬。至是有薦其才智者。遂得親幸。更張
庶務。悉委裁處。文統素忌刻。而文謙以安國便民爲務。
屢相可否。積不能平。思有以陷之。文謙遂求出。宣撫大
名。臨發。語文統曰。民困日久。况當大旱。不量減稅賦。何
以慰來蘇之望。文統曰。上新卽位。國家興發。止仰稅賦。
苟復減損。何以供給。文謙曰。百姓足。君孰與不足。至任。

蠲常賦什之四。商酒稅什之二。

蒙古阿拉克岱爾及六盤守將渾塔噶舉兵應和林廉希憲等擊敗斬之。

劉太平霍魯懷聞希憲將至。以五月一日乘急傳入京兆。謀爲變。秦人前被阿拉克岱爾太平等威虐。聞其來。破膽。越二日。希憲至。宣詔旨。遣人往六盤。馳諭安撫。尋城門候引一急使至。云來自六盤。希憲訊之。盡得太平魯懷與渾塔噶密喇卜和卓奇塔特布哈要結狀。希憲集僚佐謂曰。主上命我輩。正在今日。遂分遣人掩捕太平魯懷等。仍遣劉哈瑪爾誅密喇卜和卓于成都。汪惟正字公理。德臣之子。誅奇塔特布哈于青居。又命總帥汪良臣。

德臣之弟。帥秦鞏諸軍進討渾塔噶。良臣以未得旨爲辭。希

憲卽解所佩虎符銀印授之。曰。此皆身承密旨。君但辦

吾事。制符已飛奏矣。良臣遂行。又摘蜀卒四千。命蒙古

將巴崇

舊作八春。今改

帥之。爲其聲援。會有詔赦至。希憲命殺

太平等于獄。尸通衢。方出迎詔。渾塔噶知京兆有備。西

渡河。趨甘州。阿拉克岱爾自和林帥兵適至。遂與渾塔

噶合軍而南。時諸王哈丹亦率騎兵與巴崇。汪良臣。兵

合。分三道以拒之。旣陳。大風吹沙。良臣令軍士下馬。以

短兵突其左。繞出陣後。潰其右而出。巴崇直擣其前。哈

丹勒精騎邀其歸路。大戰于甘州東。殺渾塔噶。阿拉克

岱爾。關隴悉平。希憲乃遣使自劾。停赦。行刑。徵調諸軍。

王鶚為金進士國亡時自當盡忠死節乃竟覩顏事元而又假舊君有服之說祈請祭葬張時泰以為譬如婦人有人殺其夫而不能報反以身事讐又求盡哀此豈大其論誠非過刻

擅以良臣為帥諸罪蒙古主曰委卿方面之寄正欲從宜若拘常制豈不坐失事機詔賜希憲金虎符進平章政事行省秦蜀商挺參知省事元史百官志中書省參政二員從二品職亞左

右丞

蒙古以王鶚

字百一曹州東明人

為翰林學士承旨

元史百官志中統初以王鶚為

翰林學士未立官署至元元年始置秩六年置承旨王鶚為本傳中統建元首以鶚為翰林學士承旨志傳抵牾續綱目從傳今仍之而注志以備考

鶚金正大元年進士第一歷官尚書左右司郎中金亡

將被殺張柔聞其名救之館于保州蒙古主在藩邸召

對甚禮重之嘗因見請曰天兵克蔡金主自縊其奉御

京錫焚葬汝水之傍禮為舊君有服願往葬祭蒙古主

許之至則爲河水所沒具牲醴爲位而哭至是爲翰林

學士承旨制誥典章皆所裁定又薦李治字仁卿李昶

字士都東平須城人王磐字文炳廣平永年人徐世隆字威卿陳州西華人高鳴字雄飛

定爲學士復奏十道提舉學校官蒙古主皆從之

熒惑入南斗

留五十餘日

六月立忠王禕爲皇太子

帝家教甚嚴太子雞初鳴問安再鳴回宮三鳴往會議所參決庶事退入講堂講經史將晡復至榻前起居問今日講何經答之是則賜坐賜茶否則爲之反覆剖析又不通則繼以怒明日須更覆講率爲常例

蒙古撤江上軍。以史天澤爲江淮經畧使。

蒙古李璫侵淮安。主管制置司事李庭芝

注見前。

擊敗之。

秋七月。蒙古使翰林侍讀學士郝經來修好。賈似道幽之真州。

似道還朝。使其客廖瑩中輩。撰福華編。稱頌鄂功。通國皆不知所謂和也。蒙古主旣立。欲來修好。王文統素忌郝經有重名。請遣經。遂以翰林侍讀學士充國信使。來告卽位。且徵前日請和之議。文統復陰屬李璫。潛師侵宋。欲假手害經。經至宿州。遣其副請入國日期。不報。遣書宰相及淮帥李庭芝。而似道恐經至謀泄。竟拘留于真州之忠勇軍營。經上表曰。願附魯連之義。排難解紛。

豈如唐儉之徒。歛兵誤國。又數上書于帝。及執政。極陳

和戰利害。且請入見。及歸國。皆不報。

驛吏棘垣鑰戶晝夜守邏。欲以動經。

經不屈。但語其下曰。死生進退。聽其在彼。屈身辱命。我終不能。汝等不幸。宜忍死以待。揆之天時人事。宋祚殆不遠矣。帝聞有北使。謂宰執曰。北朝使來。事體當議。似道

奏和出彼謀。豈容一切輕徇。倘以交鄰國之道來。當令

入見。蒙古遣官訪問經等所在。仍以稽留信使。侵擾疆

場來詰。淮東制置李庭芝奏。蒙古使者久留真州。不報。

以賈似道兼太子太師。

蒙古行交鈔法。

王文統立十路宣撫司。示以條格。欲差發辦而民不擾。鹽課不失常額。交鈔無致阻滯。遂行中書省。造中統元

寶交鈔。立互市于潁州。漣水。光化軍。

交鈔法。自十文至二貫文。凡十等。不

限年月。諸路通行。賦稅並聽收。受。仍申嚴私鹽酒醋麪貨等禁。

冬十二月。蒙古號西僧帕克巴。

舊作八思巴。今改。

為國師。

帕克巴吐蕃薩斯嘉。

舊作薩斯嘉。今改。

人足克袞。

舊作族。今改。

氏也。

相傳自其祖多爾濟。

舊作朵栗赤。今改。

以其法佐國主。霸西海。

十餘世。帕克巴年十五。謁蒙古主于潛邸。與語大悅。日

見親禮。至是尊為國師。統釋教。

辛酉

二年。

蒙古中統二年。

春正月。詔皇太子釋奠孔子。加張栻呂祖

謙伯爵。並從祀。

帝手詔曰。虎闡齒胄。太子事也。此禮廢久矣。如釋奠釋

菜之事。我朝俱未嘗廢。然享師敬道。又不可拘舊制。可

令太子謁拜。太子既還。上奏曰。先聖之道。至我朝而後有以續孟氏之傳。然諸說並駕。未知統一。迨朱熹張栻呂祖謙志同道合。切思講磨。擇精語詳。開牖後學。人心一正。聖道大明。今熹已秩從祀。而栻祖謙尚未奉明詔。臣竊望焉。帝從之。遂封栻華陽伯。祖謙開封伯。並列從祀。

三月壬戌朔日食。

夏四月。以皮龍榮

字起霖。一字季遠。潭州醴陵人。

參知政事。

龍榮伉直。不肯降志于賈似道。未踰年而罷。

蒙古聽儒士被俘者贖爲民。

時淮蜀士遭俘虜者。皆沒爲奴。翰林學士高智耀

河西人。世

蒙古初年未嘗無擅權言
利之臣然當時外多良將
兵勢方強而賢士建言並
多錄用視宋之昏然潰敗
者相去甚遠故卒以覆宋
而樹國也

仕夏國。癸言以儒爲驅。古無有也。陛下方以古道爲治。宜
除之以風天下。蒙古主從之。命循行郡縣區別之。得數
千人。貴臣或言其詭濫。蒙古主詰之。對曰。譬則金也。金
色有淺深。謂之非金不可。才藝有淺深。謂之非士不可。
蒙古主悅。

五月。蒙古以史天澤爲中書右丞相。

蒙古主問竇默曰。朕欲求如唐魏徵者。有其人乎。默對
曰。犯顏諫諍。剛毅不屈。則許衡其人也。深識遠慮。有宰
相才。則史天澤其人也。蒙古主納之。遂相天澤。以默爲
翰林侍讀學士。

蒙古以姚樞爲太子太師。竇默爲太子太傅。許衡爲太子

太保皆辭不拜。

時樞自東平宣撫召還。與衡等入侍。言治亂休戚。必以義爲主。王文統患之。默復于蒙古主前。力言文統學術不正。必禍天下。蒙古主曰。然則誰可相者。默曰。以臣觀之。無如許衡。蒙古主不悅而罷。文統亦憾之。乃授樞等東宮三師。外陽尊之。內實不欲其備顧問也。默欲依東宮以避禍。衡力以爲不可。曰。此不安于義也。且禮師傅與太子位東西鄉。師傅坐。太子乃坐。公等度能復此乎。不能。則師道自我廢也。因相與懷制。言太子未立。豈宜虛設官稱。乃改樞大司農。默仍侍讀學士。衡國子祭酒。未幾。衡稱疾還。懷孟。

六月。潼川安撫副使劉整。以瀘州叛降蒙古。制置司參謀官許彪孫死之。

初。賈似道之出督也。嘗憾高達曹世雄之輕已。令呂文德拊撫其罪。逼世雄死。達亦廢棄。整聞之懼。會俞興帥蜀。整素與興有隙。而似道方會計邊費。興遣吏下整。整訴于朝。不得達。心益不安。遂籍瀘州十五郡戶三十萬。降于蒙古。蒙古以整爲夔路行省。兼安撫使。整驍將也。蒙古旣得之。由是盡得國事虛實。而似道不以爲虞。整之將叛也。命制置司參謀官許彪孫草表。彪孫不屈。合門仰藥死。

秋七月。竄吳潛于循州。

先是。詔黨丁大全。吳潛者。臺諫嚴察。舉劾以聞。當置于罪。以爲同惡相濟之戒。時賈似道專政。凡所惡者。無賢否。皆斥。帝弗悟其姦。爲是下詔。且安置潛于潮州。至是。復責授化州團練使。徙循州。

八月。俞興討劉整。敗績。詔罷興。以呂文德兼四川宣撫使。興以劉整叛。移檄討之。會蒙古成都經畧使劉元振。字仲

舉哈瑪爾長子

將兵來逆整。至瀘。興進軍圍之。晝夜急攻。城幾

陷。未幾。援兵至。元振與整出城合擊。大敗之。興退走。詔以興妬功。啓戎罷任鐫職。以文德爲四川宣撫使。

賈似道殺湖南制置副使向士璧。

先是。賈似道忌功。欲汚鱗。一時閹臣。且怨士璧嘗侮已。

諷侍御史孫附鳳等劾罷之。送漳州安置。又遣官會計邊費。于是趙葵、史巖之等皆坐侵盜掩匿。罷官徵償。而士璧所費尤多。至是逮至行部責償。幕屬方元善者極意逢迎。似道意士璧坐是死。復拘其妻妾徵之。潭人聞之。有垂涕者。信州謝枋得。以趙葵檄給錢粟。募民兵守禦。及會計者至信。枋得曰。不可以累宣撫。自償萬緡。餘不能辦。乃上書似道。有云。千金而募徒木。將取信于市人。二卵而棄干城。豈可聞于鄰國。遂得免徵餘者。似道又忌王堅。出知和州。堅鬱鬱而卒。謝枋得字君直。弋陽人。

冬十月。蒙古主呼必賚擊阿里克布克于錫默圖。漠北地名。舊作

昔木土。今改。敗走之。

蒙古主以阿里克布克違命。自將討之。與戰于錫默圖之地。諸王哈丹等殺其兵三千人。塔齊爾分道奮擊。大

破之。追北五十里。蒙古主率諸軍躡其後。合三路蹙之。其部將多降。阿里克布克北遁。蒙古主引還。

壬三年。蒙古中統三年。春正月。賜賈似道第宅家廟。

給絹錢百萬。建第于集芳園。就置家廟。

呂文德復瀘州。

劉整所部入朝于蒙古。文德遂入瀘州。詔改爲江安軍。

蒙古修孔子廟。

臨安饑。

詔賑卹貧民。時馬光祖以樞密兼知臨安府。知榮王與芮府有積粟。三往見之。王以他辭。光祖乃臥于客次。王

京邑倚饑。芮乃積粟坐視。誠宜爲光祖所責。然祇應據理開示。不當牽引儲嗣爲辭。至勸其乘民困以

結人心其說尤為惇理蓋
太子既王位東朝入承大
統已非與芮所能復顧况
卽以儲君而論亦祇宜盡
職于問安視膳不可稍萌
博施邀譽之心豈有理宗
方在御而太子私親顧可
以曲惠小恩藉收衆志光
祖欲爲與芮計將置理宗
何地乎光祖肆意妄談不
時立言失體實亦昧于大
義矣

不得已見焉。光祖厲聲曰。天下誰不知儲君爲大王子。
今民饑欲死。不以此時收人心乎。王以廩虛辭。光祖探
懷中。出片紙曰。某莊某倉若干。王語塞。遂許以三十萬。
光祖遣吏分給。活饑民甚衆。

蒙古江淮大都督李壇以京東來歸。詔封壇爲齊郡王。復
其父全官爵。三月。蒙古誅王文統。王文統以通好叛臣伏誅。續綱目書殺。非是。今

改書。

壇自蒙古主卽位。便有南歸之志。前後所奏凡數十事。
皆恫疑虛喝。以動蒙古。而自爲完繕益兵計。至是。召其
子彥簡于開平。修築濟南益都等城壁。遂殲蒙古戍兵。
以漣海三城來歸。獻京東郡縣。請贖父過。仍遣總管李

毅等傳檄列郡。詔授壇保信寧武軍節度使。督視京東河北路軍馬。封齊郡王。改漣水爲安東州。蒙古王文統使其子蕤通好于壇。事覺被誅。已而壇引麾下還攻益都。入之。遂復淄州。

夏五月。蒙古史天澤圍李壇于濟南。六月。遣提刑青陽夢炎。青陽黃帝子名。其後以名爲氏。將兵救之。不至而還。

蒙古主命諸王哈必齊

舊作哈必赤。今改。

總諸道兵擊壇。復命

丞相史天澤往。仍詔天澤專征。諸將等皆受其節度。天

澤至濟南。謂哈必齊曰。壇多譎而兵精。不宜力角。當以

歲月斃之。乃深溝高壘。遏其侵軼。朝廷聞壇受圍。給銀

五萬兩。下益都府犒軍。遣青陽夢炎帥師援之。夢炎至

山東不敢進而還。

封陳光曷爲安南王。

陳日昃以蒙古烏特哩哈達旣還。乃反國傳位于子光曷。遣使來告。詔封光曷爲安南王。加日昃爲安南大王。然光曷實遣人請降于蒙古。蒙古亦加封冊。

故相吳潛暴卒于循州。

賈似道以黃州之事。必欲殺潛。乃使武人劉宗申守循。以毒潛。潛鑿井臥榻下。自作井銘。毒無從入。一日宗申開宴。以私忌辭。再開宴。又辭。不數日。移庖。不得辭。遂得疾。曰。吾其死矣。夜必風雷大作。已而果然。循人悲之。潛旣沒。似道歸罪宗申。貶之以塞外議。乃許潛歸葬。

秋八月蒙古克濟南獲李璫殺之以董文炳為山東經略使。

蒙古主命史極

字子明天澤從子

阿珠各將兵赴濟南璫帥眾

出掠輜重將及城北兵邀擊大敗之璫退保城史天澤

命築環圍璫自是不復得出日夜拒守分軍就食民家

發其蓋藏以繼知城且破乃手刃妻妾乘舟入大明湖

在濟南府歷城縣治西北隅周十餘里

自投水中水淺不得死為蒙古所

獲史天澤殺之解其體以徇事聞贈璫檢校太師賜廟

額曰顯忠時山東尚未靖蒙古主以董文炳為經略使

文炳至益都從數騎便服而入至府不設警衛召璫故

將吏撫諭于庭下所部大悅山東以安

時言者謂璫之變由大藩子弟

李璫父子本起盜賊其將
又下屬不盜所部亦習為
人羈外雖歸附而心實懷
廷文炳能不設猜懼之形

以其反側之志與裴度以蔡卒為牙兵事頗相類
謂得靖亂之要領矣

盡專兵民之權。天澤奏行之請自臣家始。于是史氏及張柔嚴忠濟子弟皆罷還私第。嚴忠濟一名忠翰字紫芝實之子。

九月蒙古以阿珠為征南都元帥。

蒙古主詔曰。前遣使于宋。以通和好。宋人不務遠圖。反

啓邊釁。諸大臣皆以南征為請。重以兩國生靈之故。猶

待信使南歸。庶成和議。留而不至者。今又半載矣。彼嘗

以衣冠禮樂之國自居。理當如是乎。尋置兩統軍司。東自亳州。西至均州。

諸萬戶隸河南。西自宿州。東至海州。諸萬戶隸山東。

冬十月。蒙古命阿哈瑪特回鶻人。舊作阿合馬。今改。領中書左右部。專

理財賦。

蒙古始立左右部。分總庶務。命阿哈瑪特領之。仍兼諸

路都轉運使專理財賦。阿哈瑪特欲每事得專奏聞。不關白中書。時張文謙居政府。力言分制財用。古有是理。中書不預。則天子將親蒞之乎。蒙古主然之。已而阿哈瑪特請興鐵冶于鈞徐諸州。又請歲增益解鹽課額。蒙古主嘉其能。超拜平章政事。

十一月。竄丁大全于新州。注見前。道死。

大全既安置貴州。州將游翁明。愬大全陰招游手。私立將校。造弓矢舟楫。將通蠻爲變。廣西經略朱禩孫聞于

朝。詔改竄新州土牢拘管。且具存亡。賈似道諷禩孫殺

之。禩孫遣將官畢遷護送。舟過藤州。

唐置明改縣。今屬廣西梧州府。遷

擠大全于水而死。

癸亥四年。蒙古中統四年。春正月。蒙古以姚樞爲中書左丞。

樞上言。自中統至今五六年間。外侮內叛。繼繼不絕。然能官離債負。民安賦役。國用粗足。政事更新。皆陛下信用先王之法所致。今創始治道。正宜上答天心。下結民心。睦親族以固本。定大臣以當國。開經筵以格心。立學校以育才。則可以光先烈。遺子孫。蒙古主納之。

二月。詔買公田。置官領之。罷翰林學士徐經孫。字中立。寶慶進士。

均田限田之制。雖屬古法。而實不可行。蓋民之貧富不一。必欲齊之。則百弊以起。富者愈擾。則貧者愈以不安。北宋之亂。肇于新法。南宋當飢飢之時。猶以回買公田爲急。使塗炭之民。

而未得其說。知臨安府劉良貴。浙西轉運使吳勢卿。獻買公田之策。似道乃命殿中侍御史陳堯道。右正言曹孝慶。監察御史虞忠。張希顏。上疏。請行祖宗限田之制。

日益廢削非自促危亡而何

以官品計頃。以品格計數。將官戶田產逾限之數。抽三分之一。回買以充公田。但得一千萬畝之田。則每歲可收六七百萬石之米。可免和糴。可以餉軍。可以住造楮幣。可平物價。可安富室。一事行而五利興矣。帝從之。詔買公田。置官田所。以劉良貴提領。通判陳訐副之。獨徐經孫條具其害。似道諷御史舒有開劾之。罷歸。未幾。帝手詔曰。永免和糴。無如買逾限之田爲良法。然東作方興。權俟秋成。續議施行。似道憤然。上疏求去。復諷何夢然。陳堯道。曹孝慶。抗章留之。且勸帝下詔慰勉。帝乃趣似道出視事。似道復具陳其制。帝悉從之。二省奉行惟謹。似道首以已田在浙西者萬畝爲公田倡。榮王與芮

繼之趙立奎自陳投賣由是朝野無敢言者。

二月蒙古始建太廟。

蒙古建太廟于燕京。定烈祖太祖太宗卓齊特察罕代。

時西人睿宗定宗憲宗爲八室又命僧薦佛事七晝

爲皇伯夜歲以爲常。

夏六月論買公田功進知臨安府劉良貴等官。

初買官田猶有抑強削富之意繼而敷派除二百畝以下者免餘各買三分之一其後雖百畝之家亦不免立價以租一石償十八界會子四十而浙西之田石租至有值千緡者亦就此價價錢稍多則給銀絹各半又多則給以度牒告身准直民失實產而得虛告吏又恣爲

操切浙中大擾民之破家失業者甚衆官吏有奉行不至者劉良貴輒劾之追毀出身永不收敘由是有司爭以多買爲功浙西六郡買田三百五十餘萬畝詔進良貴官兩轉餘人進秩有差

秋七月置權場于樊城

劉整言于蒙古曰南人惟恃呂文德耳然可以利誘也

請遣以玉帶餽之求置權場于襄陽城外蒙古從之至

鄂請于文德文德許之爲請于朝開權場于樊城外築

土墻于鹿門山在襄陽縣東南襄陽記山舊名蘇嶺後漢習郁建祠山上立二石鹿于廟門後

人因以鹿門名山外通互市內築堡壁蒙古又築堡于白鶴山名

在襄陽縣南輿地紀勝山有白馬泉亦名白馬山由是敵有所守以遏南北之

襄樊爲南北衝要敵所必爭呂文德統軍駐鄧實藉其扼險固圉貪心一啟遂墮劉整術中真可謂見小利而忘大害者呂氏兄弟在當時諸將號爲俊傑鍾錚乃文德旣以贖貨悞邊文煥亦旋以失援降敵可知愛財畏死之念一動于

中未有不凶于家而實于國者也

援時出兵。哨掠襄樊城外。兵威益熾。文德弟文煥知爲蒙古所賣。以書諫止。文德始悟。然事已無及。惟自咎爾。蒙古以廉希憲爲中書平章政事。商挺參知政事。

希憲在秦蜀。凡宋將家屬在北者。歲給其糧。北人仕南者。子弟得越界省其親人。皆感之。李璫反。降人費寅譖希憲制關中得民心。又得商挺爲之輔。修城治兵。潛蓄

異志。蒙古主疑之。命中書右丞納罕

舊作南合今改

代希憲。且

覆視所告事。無實狀。詔希憲挺還。皆進秩。希憲首言。國初以來。凡納土及始受命之臣。咸令世守。至今將六十年。子孫皆奴視部下。郡邑長吏皆其皂隸僮使。前古所無。宜更張之。乃議行考課黜陟遷轉法。蒙古主從之。

子五年。蒙古至元元年。春三月。增公田官于平江諸路。

似道言公田已成。若復以州縣總之。恐害不除而利不

可久。請立四分司。以主管公田繫銜。平江嘉興安吉各一員。每鄉置官莊一所。民爲官耕者曰官佃。爲官督者

日莊官。莊官以富饒者充應。兩歲一更。每租一石。明減

二斗。不許多收。一時迎合。止欲買數之多。凡六七十斗皆作一石。

及收租之際。元額有虧。則取足于田主。遂爲無窮之害。

或內有磽瘠。及租佃頑惡之處。從而責換于田主。其禍

尤慘。

秋七月。彗星出。中外上書乞罷公田。賈似道力求去位。詔

勉留之。

彗星出柳。光燭天。長數十丈。自四更見東方。日高始滅。

笛不便于民臺諫庶

既進願陳必非一人私見即使其言無當亦宜平心體察究其利弊所在剴切布告以息浮談況立凡之始理宗嘗降手詔權緩施行似于人言亦不無覺悟乃一聞似道欲去之請輒置輿論于不恤轉許以任怨之名其詞謂黑白不分者矣

詔避殿減饌許中外直言臺諫士庶上書以爲公田不便民間愁怨所致于是似道上書力辯乞避位帝曰言事易任事難自古然也卿既任事亦當任怨禮義不愆何恤人言卿宜安心毋孤朕倚毘之意知臨安府劉良貴亦以人言籍籍自陳括田之勞乞從罷免不允由是公論頓沮

黥配臨安府學生葉李等于遠州

葉李蕭規應詔上書詆賈似道專權害民誤國似道命劉良貴摭摭以罪黥配李于漳州規于汀州

蒙古阿里克布克自歸于上都蒙古主釋不治其黨布拉

噶舊作不魯花今改等伏誅

阿里克布克自錫默圖之敗不能復軍至是與諸王玉

隴哈什

舊作玉龍答失今改

三人及謀臣布拉噶托里齊

舊作脫里察今

改托郭斯等來歸蒙古主以諸王皆太祖之裔並釋不

問惟誅布拉噶等

楊棟

字元極眉州青城人棟于是年五月參知政事

參知政事楊棟以彗星爲蚩尤旗非變異也言者論其欺天罔君坐免或謂棟姑爲是言陰告于帝謀逐似道似道覺之遂反爲所中而去彗星凡歷五十餘日始滅八月蒙古以劉秉忠爲太保參領中書省事

秉忠既受命以天下爲已任知無不言凡燕閒顧問輒推薦人物可器使者其所甄拔後皆爲名臣

蒙古入都于燕。

劉秉忠請定都于燕。蒙古主從之。詔營城池及宮室。仍號爲中都。尋更號大都。

九月。竄建寧府教授謝枋得于興國軍。

試士而以政事爲問目。孰是孰非。原不妨于縷指。至于國家廢興。則非草野所宜妄論。且明知大勢已去。爲臣者隱痛尤深。何忍于盈庭發策之時。斥言宗社枋得固素知大義者。而其情過激。遂乖敬慎之常。又何怪權奸之借端指摘乎。

行經界推排法。

賈似道請行推排法于諸路。由是江南之地。尺寸皆有稅。而民力竭矣。

作銀關。

賈似道以物貴由于楮賤。楮賤由于楮多。乃更造銀關。每一准十八界會之三。自製其印。如賈字狀行之。出奉宸庫珍貨。收弊會于官。廢十七界會不用。銀關行物益貴。楮益賤。

冬十月。帝崩。太子禪卽位。是爲度宗。尊皇后曰皇太后。大赦。

帝有疾。詔草野有能治療者。白身除節度使。有官及願就文資者。並與比附推恩。仍賜錢十萬。田五百頃。卒無應者。遂崩。太子禪卽位。尊皇后曰皇太后。

度宗皇帝。

乙丑。咸淳元年。

蒙古至元二年。

春正月。辛未朔。日食。

三月。葬永穆陵。

所謂雪恥者能奮興自拔
以伸夙志則雖在匹夫義
猶有取若蔡州之役借人
力而貪其功不武甚矣況
味唇齒相依之喻自速滅
亡何名爲雪恥哉

史臣曰。理宗享國四十年。蔡州之役。可雪先恥。乃貪地
棄盟。事釁隨起。兵連禍結。境土日蹙。良由中年嗜慾既
多。怠于政事。權移姦臣。以致于此。然自帝繼統。首黜王
安石。而尊濂洛。表章朱氏。丕變土習。廟號曰理。其始庶
乎。

夏四月。加賈似道太師。封魏國公。

帝以似道有定策功。每朝必答拜。稱之曰師臣。而不名。

朝臣皆稱爲周公。理宗山陵事竣。徑棄官還越。而密令

呂文德詐報蒙古兵攻下沱急。大江至荊州府枝江縣別出爲沱。下流復合。其

分處謂之上沱。合處謂之下沱。今縣東有下沱市。朝中大駭。帝與太后手詔起

之。似道乃至。欲以經筵拜師。而典故須建節。乃授鎮東

軍節度使。似道怒。節已出。復命返之。舊制。節出。撤關壞

屋。無倒節理。以示不屈。至是人皆駭異。

御批通鑑輯覽 卷之二十三
閏五月以江萬理參知政事。

初萬里在賈似道幕下最久。景定中同簽書樞密院事。雖俯仰容默。爲似道用。而性峭直。臨事不能無言。似道嘗惡其輕發。故不久而罷。至是召拜參知政事。

秋九月蒙古以安圖

穆呼哩四世孫。舊作安童。今改。爲中書右丞相。冬十

月命許衡議省事。衡辭不許。

先是蒙古主追錄元勲。以安圖穆呼哩後。召長宿衛。及是拜右丞相。年二十一矣。安圖以年少辭。蒙古主曰。朕思之熟矣。乃召許衡于懷孟。俾議中書省事。衡至。以疾辭。蒙古主不許。安圖親候其館。與語良久。旣還。念之不釋者累日。

丙寅二年。蒙古至元三年。春正月。以季可爲監察御史。

初理宗詔置籍中書記諫官御史言事。歲終以考成績。而賈似道當國。忌臺諫言事。悉用庸懦易制者爲之。彈劾不敢自由。惟取遠州太守及州縣小官。毛舉細過。應故事而已。

江萬里罷。

賈似道以去要君。帝至拜留之。萬里以身掖帝云。自古無此君臣禮。陛下不可拜。似道不可復言去。似道不知所爲。下殿。因舉笏謝萬里曰。微公。似道幾爲千古罪人。然以此益忌之。帝在經筵。每問經史疑義。及古人姓名。似道不能對。萬里常從旁代對。王夫人頗知書。帝語夫

人以爲笑。似道聞之。積慙怒。謀逐萬里。萬里亦四上疏求退。乃以資政殿大學士奉祠。

三月。蒙古以宋子貞

字周臣。潞州長子人。

爲中書平章政事。

子貞初事東平嚴實。建學育才。齊魯爲之一變。蒙古主南侵。子貞上言。本朝威武有餘。仁德未洽。若投降者不殺。脇從者勿治。則宋之郡邑可傳檄而定也。蒙古主善之。累遷右三部尙書。數上言。時政便宜。凡立法裁制。多自子貞發之。蒙古主頗悔用子貞之晚。入中書未幾。致仕卒。

夏五月。以包恢

字宏父。建昌人。簽書樞密院事。

恢所至以嚴爲治。破豪猾。去姦吏。治蠱獄。政事赫然。理

宗朝嘗因輪對曰陛下之心如天地日月其閉而食者外戚近習耳

秋七月蒙古以張德輝

字輝卿冀寧交城人

參議中書省事

初德輝在史天澤幕下蒙古主在藩邸聞之召見問曰孔子歿已久其性安在對曰聖人與天地終始無往不在殿下能行聖人之道性卽在是矣蒙古主然之自是屢有問對蒙古主問曰祖宗法度具在未盡設施者甚多將如之何德輝指銀盤喻曰創業之主如製此器精選白銀良匠規而成之畀付後人傳之無窮當求謹厚者司掌乃永爲寶用否則不惟缺壞且有竊而去之者矣蒙古主又問典兵與宰民者爲害孰甚對曰軍無紀律縱使殘暴害固非輕若宰民者頭會箕歛以毒天下使民如蹈水火爲害尤甚蒙古主皆稱善以字呼之而不名及蒙古主卽位以爲河東南北路宣撫使考績爲諸路最

遂入議政。

丁卯三年。

蒙古至元四年。

春正月立皇后全氏。

會稽人。

后理宗母慈憲夫人姪孫也。寶祐中父昭孫沒于王事。理宗以母故嘗召后入宮。問曰。爾父沒于王事。每念之。令人可哀。后對曰。妾父可念。淮湖之民尤可念也。帝異之。語大臣曰。全氏女言辭甚令。宜配冢嗣。以承宗祀。遂納爲太子妃。及是立爲后。

帝釋菜于孔子。以顏回曾參孔伋孟軻配。列邵雍司馬光于從祀。

又升顓孫師于十哲。追封雍新安伯。講官監官三學長貳及諸生推恩有差。

立國規模惟當權其法之
善與不善而折衷于聖人
之道若云必行漢法而後
可則歷代破國亡家者非
行漢法之人乎蓋許衡漢
人修史者又出于漢人之
手遂有此不經之論耳如
衡之說正猶陸行者不知
有舟水行者不知有車泥
土之見物而不化未為通
達政體也

蒙古許衡謝病還懷孟

衡陳時務五事。一曰立國規模。言國家當行漢法。齊一

吾民。

晁曰陸行宜車。水行宜舟。反之則不能行。幽燕食寒。蜀漢食熱。違之則必有變由是論之。今日規模

非用漢法不宜也。然萬世國俗累朝勳舊一旦驅之下從臣僕之謀。成就亡國之俗。其勢有甚難者。竊思天有寒暑。積時而變。誠能漸之摩之。待以歲月。篤信堅守。不雜小人。不營小利。不責近效。不恤浮言。則致治之功可成。

二曰中書大要在用人立法。

晁曰。治人者法也。守法者人也。人法相維。上安

下順。而宰執優游廊廟之上。不煩不勞。此所謂省也。夫立法用人。今雖未能盡如古昔。然已仕者給俸以養廉。未仕者寬格以敘用。則可紓失職之怨。外設監司以察汙濫。內專吏部以定資歷。則可息非分之求。至于貴家世襲。品官任子。以及版籍之數。續當議之。亦不可緩也。

三曰為君難。以踐言。

晁曰。人君

不患出言之難。而患踐言之難。夫以天下之大。兆民之眾。事有萬變。日有萬幾。人君以一身一心而酬酢之。欲言之無失。豈易能哉。故有昔之所言。而今曰忘之者。今之所命。而後日自違者。可否異同。分更變易。紀綱不得

布法度不得立天下無所持循。奸人因以爲弊。此無他。爲上者多樂舒肆。爲臣者多事容悅。容悅本爲私也。私心盛則不畏人矣。舒肆本爲欲也。欲心盛則不畏天矣。以不畏天之心與不畏人之心。感合無間。則其所務皆快心事耳。快心則口欲言而言。身欲動而動。又安肯兢兢業業。熟思而審處之乎。此踐言之難也。防欺略曰。人之情僞。有易有險。有衆有寡。未易使之不見欺也。人君惟無喜怒也。有則贊其美。以市恩。鼓其怒。以張勢。人君惟無愛憎也。有則假其愛。以濟私。藉其憎。以復怨。甚至本無喜怒也。誑之使喜。本無怒也。激之使怒。本不足愛也。而過譽之使愛。本無可憎也。而彊短之使憎。若是則進者未必爲君子。退者未必爲小人。予者未必爲有功。奪者未必爲有罪。以至賞罰生殺。鮮有得其正者。欺而至此。尚可防邪。是故人君以知人爲貴。既不能知。而欲防其欺。雖任賢。畧曰。賢者遭時不偶。務自韜晦。人堯舜不能也。任賢。君或知之。而召之命之。泛如廝養。賢者不屑也。或接之以貌待之以禮。而賢不見用。或用其言而復使小人參之。有用賢之名。無用賢之實。賢者必不肯口位素餐。以取譏于天下。其難進也如此。且又有難合者焉。大抵人君居崇高之地。樂聞人過。而不樂聞已過。務快已心。而不務快民心。賢者必欲匡正而扶持之。使如堯舜而後已。故其勢恒難合。况奸邪佞倖。醜

正惡直。多方以陷之。去邪。畧曰。奸邪之人。其為心險。其邪。此任賢之難也。

其欺似可信。其佞似可近。務以窺人主之意。旨而迎合之。竊其勢。以立已之威。濟其欲。以結主之愛。愛隆于上。

威擅于下。毒被生民。而上莫得民心。畧曰。民之戴君。本

之知。至是而求去之。難矣。失望。使之不平。然後怨怒生焉。必如古者大學之道。以修身為本。一言一動。舉可以為天下之法。一賞一罰。舉

有以合天下之公。則億兆之心。不求而自得。又豈有失望不平之累哉。順天道。畧曰。三代

治者。無如漢文景。然當時天象數變。而文景克謹天戒。一以養民為務。故民心得而和。氣應。臣竊見近年彗孛

迭見。議者謂當除舊布新。以應天變。臣以為曷若直法文景之恭儉愛民。為理明義正。而可信邪。六者

為難之目。四曰農桑學校。畧曰。今國家但知斂財之巧。而不知生財之由。徒知防人

之欺。而不欲養人之善。徒患法令之難行。而不患無可

行之地。誠能優重農民。勿擾勿害。驅游惰之人而歸之

南畝。十年以後。倉盈庫積。當非今日之比矣。自都邑至

州縣。皆設學校。使皇子以下。至于庶人之子弟。皆從事

于學。十年之後。上知所以御下。下知所以事上。上下和

睦。又非今日之比矣。能是二者。則萬目皆舉。否則他皆

不可。五曰慎微。畧曰。天下所以定者。道有其宜。人君不期也。夫審而後發。則發無不中。否則觸事而遽。或喜或怒。色見于貌。言出于口。人皆知之。

徐考其故。必悔其失矣。是以先王潛心恭默。不易喜怒。其未發也。雖至近莫能知其既發也。雖至親莫能移。是以號令簡而無悔。則無不中節矣。書凡萬餘

言。既奏。蒙古主嘉納之。衡多病。蒙古主命五日一至中

書。至是始聽歸懷孟。

考元史許衡傳。衡所上疏。列為五條。續綱目刪作四事。日節錄殊不

明晰。今依本傳。及王世貞綱鑑會纂。改輯。

二月。以賈似道平章軍國重事。三日一朝。治事都堂。

似道上疏乞歸養。帝命大臣侍從。傳旨固留。日四五至。

中使加賜。日十數。至夜即交臥第外以守之。特授平章

軍國重事。一月三赴經筵。三日一朝。治事都堂。賜第西

湖之葛嶺。

在西湖北。相傳葛洪煉丹于此。故名。

使迎養其中。似道于是五

日一乘湖船入朝。不赴都堂治事。吏抱文書就第呈署。大小朝政。一切決于館客廖瑩中。堂吏翁應龍宰執充位而已。似道雖深居簡出。凡臺諫彈劾。諸司薦辟。及京尹畿漕一切事。不關白不敢行。正人端士斥罷殆盡。吏爭納賂。求美職。圖爲帥閫監司郡守者。貢獻不可勝計。一時貪風大肆。兵喪于外。匿不以聞。民怨于下。誅責無藝。莫敢言者。

三月。以程元鳳爲右丞相兼樞密使。尋罷。

賈似道恐元鳳侵權。諷陳宜中劾罷之。

夏五月丁丑朔。日食。

秋八月。進封嗣榮王與芮爲福王。

以葉夢鼎

字鎮之。寧海人。

爲右丞相兼樞密使。固辭不許。

利州路轉運使王价子。懇求遺澤。夢鼎以爲合與。似道

以恩不出已。罷省部吏數人。夢鼎怒。卽求去。似道母責似道曰。葉丞相安于家食。未嘗求進。汝強以相印。今乃牽制至此。若不從吾言。吾不食矣。會太學諸生亦上書言似道專權固位。似道乃悔悟。求解。夢鼎請去益力。帝不許。

冬十二月。以呂文煥知襄陽府。

蒙古阿珠。劉整城白河口。

此白河。河南南陽府流入襄陽之河也。注詳前方輿紀要采木。

元氣城于白河入漢之處。故址尙存。

劉整言于蒙古主曰。襄陽吾故物。由棄弗戍。使宋得竊築爲疆藩。若復襄陽。浮漢入江。則宋可平也。蒙古主從之。詔徵諸路兵命阿珠與整。經畧襄陽。阿珠駐馬虎頭。

山。在襄陽縣西南。顧漢東白河口曰。若築壘于此。以斷宋餉道。

襄陽可圖也。遂城其地。呂文煥大懼。遣人以蠟書告文德。文德怒。且罵曰。汝夢妄言要

功賞。亦假城耳。襄陽城池堅深。兵儲支十年。令呂六堅守。果整妄作。春水至。吾往取之。比至。恐道去耳。議者竊笑之。

戊辰四年。蒙古至元五年。夏四月。奪觀文殿大學士惠國公謝方叔

官爵。

方叔以嘗為東宮官。自豫章以一琴一鶴金丹一爐獻

帝。似道疑其觀望再相。諷諫官趙順孫等論其不當誘

人主為聲色之好。欲謫之遠郡。呂文德請以已官贖方

叔罪。乃止奪官爵。

秋九月。蒙古阿珠。劉整圍襄陽。

劉整與阿珠計曰。我精兵突騎。所當者破。惟水戰不如宋耳。奪彼所長。造戰艦。習水軍。則事濟矣。乃造船五千艘。日練水軍。雖雨不能出。亦畫地爲船而習之。得練卒七萬。遂築圍城以逼襄陽。

冬十月。戊寅朔。日食。

十一月。行義役法。

蒙古以和爾郭斯

舊作和禮霍孫。今改。爲起居注。

省臣言。前代必有起居注。故善政嘉謀。不致遺失。蒙古主卽以和爾郭斯爲之。

御批歷代通鑑輯覽卷之九十四

宋

度宗皇帝

己巳咸淳五年

蒙古至元六年

春正月以李庭芝爲兩淮制置大使

時揚州新遭火公私蕭然庭芝以制置兼知揚州初至

官卽放民負鹽二百餘萬又鑿河四十里入金沙餘慶

塲

今江南通州金沙塲東有河下達鹽運河入海卽李庭芝所鑿

以省車運始平山堂

註見前

瞰揚城敵至則構望樓其上張弓弩以射城中庭

芝大築城包之募汴南流民二萬餘人以實之號武銳

軍修學賑饑民德之如父母

葉夢鼎上疏乞致仕不待報而去

大臣進退當以禮自處。非是則無以圖臣分。乃宋之士大夫習染相沿。在位稍不得志。往往不待報而行。或逕遁去。始無論其人之賢否。而乖君臣大體一節已不可問。况夢鼎視國勢傾危。竟爾思然長往。直是為避禍苟全之計。更不止僥圖自了矣。

夢鼎扼于賈似道。不得行。乃引杜衍故事致仕。單車宵遁。詔判福州。夢鼎不拜。

蒙古遣史天澤益兵圍襄陽。

蒙古括諸路兵。以益襄陽之師。遣史天澤與宗王大臣

往經畫之。天澤至。呂文煥遣使餉以鹽茗。天澤築長圍。

起萬山。

在襄陽縣西北。一名漢臯山。襄陽記。即鄭交甫見玉女處。

包百丈山。

在襄陽縣南。

令南北不相通。又築峴山虎頭山為一字城。聯亘諸堡。

以立久駐必取之基。

蒙古阿哈瑪特請罷御史臺。及諸道提刑司。蒙古主不許。

阿哈瑪特專總財賦。以新立憲臺言于蒙古主曰。庶務

責成各路。錢穀付之轉運。必繩治之事。何由辦。廉希憲

曰立臺察內則彈劾姦邪外則察視非常訪求民瘼裨益國政無大于此者如阿哈瑪特所言必使上下專恣貪暴公行然後可集事邪阿哈瑪特語塞乃止

二月蒙古行新字加號西僧帕克巴爲大寶法王

蒙古主命帕克巴創蒙古新字頒行諸路譯寫一切文字更號帕克巴爲大寶法王

三月蒙古軍圍樊遂城鹿門京湖都統張世傑

范陽人

將兵

拒之戰于赤灘圃

在襄陽縣東南漢江上

敗績

世傑柔之從子從柔戍杞有罪來奔阮思聰見而奇之

言于呂文德文德召置麾下累功至都統制

以江萬里馬廷鸞

字南仲饒州樂平人

爲左右丞相兼樞密使

廷鸞每見文法益密。功賞稽遲。將校不出死力于邊閫。升辟稍越拘攣。似道頗疑異已。黥堂吏以泄其憤。

秋七月。夏貴襲蒙古阿珠于新城。敗績。

新城。續綱目作新郢。考輿志。新郢城。

在德安府鍾祥縣西南。宋末築爲戍守處。新城在襄陽縣東南。元攻襄陽時。築以絕宋糧援。兩城相去蓋數百里。夏貴赴援至襄陽城下。則已踰新郢而西。不得云襲新郢也。且續綱目于目中。明云貴趣新城。而提綱乃書新郢。抵牾殊甚。今特改書。

詔以貴爲沿江制置副使。援襄樊。貴乘春水漲。輕兵部

糧至襄陽城下。懼蒙古軍掩襲。僅能與呂文煥交語而

還。及秋。大霖雨。漢水溢。貴分遣舟師出沒東岸林谷間。

阿珠謂諸將曰。此虛形。不可與戰。宜整舟師以備新城。

舊志。元圍襄陽。分築十城。新城其一也。明日。貴舟果趣新城。至虎尾洲。在襄

陽縣南。

爲阿珠所敗。士卒溺漢水死者甚衆。范文虎復以

舟師援貴。至灌子灘。

在襄陽縣鹿門山南。漢江西岸。

亦爲阿珠所敗。文

虎以輕舟遁。

八月。高麗林衍廢其主植而立安慶公涓。

植之弟。

冬十月。蒙

古遣兵討之。

蒙古主以衍廢立。命趙璧行省東京。聚兵平壤。往問其

罪。已而璧至東京。會衍已死。乃請于蒙古主。以兵衛植

復國。誅衍之子。及其親屬。

未幾。衍黨復集餘衆。立植庶族爲王。竄入海島。踰年。始討

之。

十二月。呂文德卒。以范文虎爲殿前副都指揮使。

文德以許蒙古置榷場爲恨。每曰。誤國家者我也。因疽

發背乞致仕。詔授少師。封衛國公。卒。賈似道以其壻范

文虎總禁兵。

庚午六年。

蒙古至元七年。

春正月。以李庭芝爲京湖制置大使。督師

援襄樊。

時夏貴范文虎相繼大敗。及聞庭芝至。文虎遺書賈似道曰。吾持兵數萬入襄陽。一戰可平。但願無使聽命于京闕。事成則功歸恩相矣。似道卽命文虎之兵。從中制之。庭芝屢約進兵。文虎但與妓妾嬖倖。擊鞠飲宴爲樂。以取旨未至爲辭。

起復孫虎臣爲淮東安撫副使。

江萬里罷。

萬里以襄樊爲憂。屢請益師往救。賈似道不答。萬里遂力求去。出知福州。

蒙古廉希憲罷。

希憲立朝。讜正。有內侍入朝堂。傳旨言某事當爾。希憲曰。此闥官預政之漸。不可啟也。入奏杖之。蒙古主嘗令受帝師戒。希憲對曰。臣已受孔子戒矣。蒙古主曰。汝孔子亦有戒邪。對曰。爲臣當忠。爲子當孝。如是而已。時有詔釋大都囚。西域人魯智密迪音。

舊作匿贊馬丁。今改。

爲怨家所

純臣事上功過皆無可掩飾固不可懷倖免之心亦豈宜存分謗之見廉希憲

訴。繫獄。亦被原免。蒙古主自開平還。怨家復訴之。時希憲在告。實不預其事。乃取堂判補署之。曰。天威不測。豈可幸其獨不署以苟免邪。遂與左丞相耶律鑄俱罷。

蒙古

當西域人繫獄被原時本
未預聞無妨置身事外顧
補署皇判自求罷斥矯情
干譽殊無足取又豈人臣
勿欺之義乎

主嘗問侍臣希憲居家何爲阿哈瑪特曰日與妻妾
宴樂耳帝曰希憲清貧何從宴設阿哈瑪特愧而退
以陳宗禮字立之淳祐進士簽書樞密院事

宮中飲宴名曰排當理宗朝排當之禮多內侍自爲之
一有排當則必有私事密啟帝卽位益盛至出內帑爲
之宗禮爲給事中嘗上疏言內侍用心非借排當以侵
羨餘則假秩筵以奉殷勤不知費幾州汗血之勞而供
一夕笙歌之樂請禁絕之不報及是拜簽樞未幾卒
蒙古主立尚書省以阿哈瑪特平章政事

阿哈瑪特爲人多智巧言以功利自效蒙古主急于富
國試以行事頗有成績因奇其材授以政柄言無不從
而不知其專懷益甚既立尚書省以爲平章政事

三月庚子朔日食。

蒙古以許衡爲中書左丞。衡固辭不許。

衡被徵入朝。與姚樞等詳定禮儀。時阿哈瑪特勢傾中外。一時大臣多阿附之。衡每與議。必正言不少讓。已而其子庫克新舊作忽有同簽樞密院之命。衡獨執奏曰。國家事權。兵民財三者而已。父典民與財。子又典兵。不可。蒙古主曰。卿慮其反邪。衡曰。彼雖不反。此反道也。帝以語阿哈瑪特。由是怨衡。帝薦衡爲左丞。欲因以事中之。衡屢辭免。蒙古主不許。

夏四月。罷直學士院。文天祥。

賈似道以去。要君。帝勉留益堅。命學士降詔。天祥當制。

時內制相承必先呈稿于相。天祥不從。似道意不滿。諷別院改作。天祥援楊億故事。至求解職。遷秘書監。似道使臺官張志立劾罷之。

秋八月。詔賈似道十日一朝。入朝不拜。

似道屢稱疾求去。帝至涕泣留之。不從。詔六日一朝。一月兩赴經筵。尋又詔入朝不拜。朝退。帝必起避席。目送之。出殿庭始坐。繼復詔十日一朝。時襄樊圍急。似道日坐葛嶺。起樓閣亭榭。作半閒堂。延羽流。塑已像其中。取宮人葉氏及娼尼有美色者爲妾。日肆淫樂。與故博徒縱博。人無敢窺其第者。有妾兄來立府門。若將人狀。似道見之縛投火中。嘗與羣妾踞地鬪蟋蟀。所狎客戲之曰。此軍國重事邪。酷嗜寶玩。建多寶閣。一日一登玩。問余玠有玉帶求之。已徇葬矣。發

寧陽受圍三載似道竊關
上聞及度宗知而相詰似
道不引罪自責輒敢究所
從來誣置女嬪于死後此
景靈成禮復以胡顯祖却
輅之請遷怒貴嬪度宗皆
莫可如何其視漢獻幾無
以異而似道之挾持震主
較曹操奸惡亦不甚相遠
正不獨據位要君怙侈專
擅之罪而已

其塚取之。人有物。自是或累月不朝。雖朝享景靈宮。亦
求不與。輒得罪。不從駕。有言邊事者。輒加貶斥。一日。帝問曰。襄陽之圍。
已三年矣。奈何。似道對曰。北兵已退。陛下何從得此言。
帝曰。有女嬪言之。似道詰其人。誣以他事。賜死。由是邊
事雖日急。無敢言者。

冬十月。詔范文虎總中外諸軍。救襄陽。

十一月。蒙古城萬山。

張弘範

字仲疇。柔
第九子。

軍于鹿門。以斷官軍糧道。及郢復之。

援。言于史天澤曰。今規取襄陽。周于圍而緩于攻者。計
待其自斃也。然夏貴乘江漲。送衣糧入城。我無禦之者。
而江陵歸峽。行旅休卒。道出襄陽南者。相繼也。寧有自

斃之時乎。若築萬山以斷其西。立柵灌子灘以絕其東。則庶幾斃之之道也。天澤從之。遂築萬山。徙弘範軍焉。自是襄樊道絕。

辛未

七年。蒙古至元八年。十一月。改國號曰元。春。二月。大饑。

是歲。淮。浙。江。西。皆饑。命官賑貸。知撫州黃震。

字東發。慈谿人。

大

書閉糶者籍。彊糶者斬。不抑米價。勸分有方。全活甚衆。

夏。五月。蒙古兵分道侵嘉定。諸路。

蒙古詔東道兵圍襄陽。各道宜進兵牽制。于是秦蜀行

省平章政事賽音諤德齊展斯迪音。

一名烏瑪喇。回回人。按賽音諤德齊

展斯迪音。舊作賽典赤。瞻思丁。烏瑪喇。舊作烏馬兒。今並改。

率諸將水陸並進。鄭鼎

澤州陽城人。

出嘉定。汪良臣出重慶。扎拉布哈

舊作札刺。出不花。今改。

瀘州所至順流縱筏斷浮橋獲將卒戰艦甚衆。

六月范文虎帥師至鹿門而遁李庭芝自劾請代不許。

時漢水溢文虎不得已將衛卒及兩淮舟師十萬進至

鹿門阿珠夾江東西爲陣別令一軍趨會丹灘。

在襄陽縣東南

犯其前鋒諸將順流鼓譟文虎軍逆戰不利棄旗鼓鎧仗乘夜遁去蒙古俘其軍獲戰船甲仗不可勝計。

蒙古以許衡爲集賢大學士兼國子祭酒。

衡上疏論阿哈瑪特專權罔上蠹政害民諸事不報因

謝病請解機務蒙古主不許且命舉自代者衡奏曰用

人天子大柄臣下汎論其賢否則可若授之以位則斷

自宸衷不可使臣下有市恩之漸乃拜衡集賢大學士

衡以論阿哈瑪特請解機務故不復舉人恐其嫌于樹黨其謂用人天子大柄當斷宸衷所見誠是至云以位舉人恐開市恩

之漸尙未能盡當于理夫
人臣事君惟審于公私之
辨受爵公朝拜恩私室豈
援門戶之惡習其端固不
可開至若蕭何之與曹參
羊祜之與杜預舉賢爲國
要自無傷公正苟其心稍
涉于私卽汎論賢否亦難
保其不隱爲市恩之地唯
在君人者慎擇是非權不
旁假斯不致有流弊耳

兼國子祭酒卽燕京南城舊樞密院設學。衡聞命喜曰。

此吾事也。因請徵其弟子王梓。耶律有尚。

字伯強遼東丹王十世孫

家東

姚燧

字端甫樞密之從子

等十二人爲齋長時所選弟子皆

幼穉。衡待之如成人。愛之如子。出入進退其嚴如君臣。

其爲教。因覺以明善。因善以開蔽。課誦少暇卽習禮。或

習書算。少者卽令習拜跪揖讓進退應對。或射。或投壺。

賢者罰讀書若干遍。久之諸生人人自得尊師敬業。下

至童子亦知三綱五常爲生人之道。

秋八月壬辰朔日食。

九月蒙古弛四川茶鹽之禁。

蒙古主以四川民力困弊詔免茶鹽等課以軍民田租

給軍食。仍敕有司有言茶鹽之利者。以違制論。

冬十一月。蒙古改國號曰元。

取易乾元之義。從太保劉秉忠請也。

十二月初。置士籍。

賈似道欲制東南士心。乃令御史陳伯大請置士籍。開具鄉里姓名。年甲三代妻室。令鄉鄰結勘。于科舉條制無礙。方許納卷。又嚴後省覆試法。比較中省元卷。字跡稍異者黜之。

壬申八年。元至元九年。春正月。元罷尚書省。考元史百官志。至元七年。置尚書省。八年。併入中書。二十四年復置。二十九年又罷。其後武宗至大二年。再立尚書省。四年復罷。今並注于此。後因事附見。不具。

阿哈瑪特仍平章中書省事

夏五月李庭芝使統制張順張貴將兵救襄陽與元軍戰敗績皆死之

襄陽被圍五年援兵不至至是詔李庭芝移屯鄧州庭

芝偵知襄陽西北一水曰清泥河源于均房

河自襄陽西北東流

入漢三國蜀志樂進在清泥以兵相拒卽此

卽其地造輕舟百艘以三舟聯

爲一舫中一舟裝載左右舟則虛其底而掩覆之出重

賞募死士得襄郢山西民兵之驍悍善戰者三千人求

將得民兵部轄張順張貴俱智勇素爲諸將所服俾爲

都統號貴曰矮張順曰竹園張出令曰此行有死而已

汝輩或非木心宜亟去毋敗吾事人人感憤漢水方生

乘順流發舟百艘。稍進鬪山注見前。下。又進高頭港口。在

山南。結方陣。夜漏下三刻出江。以紅燈爲號。貴先登。順殿

之。乘風破浪。徑犯重圍。元兵布舟蔽江。無隙可入。順等

乘銳轉戰。元兵皆披靡。黎明。抵襄陽城下。城中久絕援。

聞順等至。踊躍過望。勇氣百倍。及收軍。獨失順。越數日。

有浮屍遡流而上。被甲冑。執弓矢。直抵浮梁。視之則順

也。身中四鎗六箭。怒氣勃勃如生。諸軍驚以爲神。結塚

斂葬之。貴入襄陽。文煥固留其守。貴恃其驍勇。欲還郢。

乃募二士。能伏水中數日不食。持蠟書。赴范文虎于郢。

求援。元兵增守益密。水路連鎖數十里。列撒星椿。雖魚

蝦不得度。二人遇椿卽鋸斷之。竟達郢。還報。許發兵五

二張奮身冒險直達重圍
其忠勇誠爲可尚但所云
募士持蠟書求援襄郢相
距尚遙所募二人卽素御
波濤豈能于水中數日不

食況元兵既列槍連數十
里魚蝦尚不能度其密比
可知無論水底拽錫難施
且鋸一木非咄嗟可了而
拽錫水中斷椿浮土又寧
不爲偵候者所知撥之于
理實不可信此不過欲張
大貴順之事遂從而附益
之史家承其謬誤亦未加
深察耳

干駐龍尾洲

在襄陽縣東南漢江中

以助夾擊。刻日既定。乃別文

煥東下。點視所部軍。泊登舟。帳前一入亡去。乃有過被

撻者。貴驚曰。吾事泄矣。亟行。彼或未及知。復不能銜枚

隱迹。乃舉砲。鼓譟發舟。乘夜順流斷絕。破圍冒進。元兵

皆辟易。既出險地。夜半天黑。至小新城。阿珠劉整分艤

戰艦邀擊。以死拒戰。沿岸束荻列炬。火光燭天。如白晝。

漸近龍尾洲。遙望軍船。旗幟紛披。貴兵以爲郢兵來會。

喜躍而進。舉流星火示之。軍船見火。即前迎。及勢近欲

合。則來舟皆元軍也。蓋郢兵前二日。以風水驚疑。退屯

三十里。而元兵得逃卒之報。先據龍尾洲。以逸待勞。貴

與戰而困。且出于不意。所部殺傷殆盡。貴身被數十創。

力不能支。遂被執。見阿珠。欲降之。貴誓不屈。乃見殺。元令降卒四人舁貴屍至襄陽城下。曰。識矮張都統乎。此是也。守陴者皆哭。城中喪氣。文煥斬四卒。以貴祔葬。順塚立雙廟祀之。

六月。竄資政殿大學士皮龍榮于衡州。道卒。

龍榮。舊宮僚也。知賈似道忌之。家居杜門。不預人事。一日。帝偶問龍榮安在。似道恐其召用。陰諷湖南提刑李雷應。誣劾以事。徙衡州居住。龍榮恐不爲雷應所容。未至。飲藥卒。

秋八月丙戌朔。日食。

九月。有事于明堂。大雨。帝還宮。賈似道去位。詔出貴嬪胡

氏爲尼。似道乃還。

祀明堂。似道爲大禮使。禮成。幸景靈宮。將還。遇大雨。似道期帝雨止升輅。胡貴嬪之兄顯祖爲帶御器械。請如開禧故事。却輅乘逍遙輦還宮。帝曰。平章得無不可。顯祖給曰。平章已允。帝遂歸。似道大怒曰。臣爲大禮使。陛下舉動。不得預聞。乞罷政。卽日出嘉會門。帝固留之。不得。乃罷顯祖。涕泣出。貴嬪爲尼。似道始還。似道專恣日甚。畏人議已。務以權術駕馭。不愛官爵。牢籠一時名士。以故言路斷絕。威福肆行。相視以目。

冬十一月。馬廷鸞罷。

廷鸞拒于賈似道。力辭相位。乃授觀文殿大學士。知饒

劉整叛降之初元人卽信而委任之何至此時始患爲元用况整旣墮節昧心豈復繫懷宋室而其雄狡之性于宋元強弱勝負大局籌之已深斷不肯爲虛名所餌卽欲藉此離間亦無隙可乘徒令詔使被戕見笑敵國可謂拙于謀矣

州入辭帝惻怛久之曰丞相勉爲朕留廷鸞對曰臣死亡無日恐不得再見君父然國事方殷疆圉孔棘天下安危人主不知國家利害羣臣不知陛下與元老大臣惟懷永圖臣死且瞑目泣拜而出

遣使入元封劉整爲燕王元執使者殺之

朝廷患劉整爲元用詔以整爲盧龍軍節度使封燕郡王遣永寧人賁告身及金印牙符期致之整旣入元事覺整自軍中入見元主曰此宋患臣用兵襄陽欲以此殺臣耳元主詔磔其人于市且移書來責執政

十二月召葉夢鼎入相固辭不至

詔加夢鼎少傅入相夢鼎引疾力辭使者相繼促行扶

病至嵯縣。

本漢剡縣。宋改名。今縣屬紹興府。

疏奏。願上厲精寡欲。規當

國者。收人心。固邦本。扁舟徑還。使者以禍福告。夢鼎曰。

廉耻事大。死生事小。萬無可回之理。賈似道大怒。乃令

致仕。

癸酉九年。

元至元十年。

春正月。樊城陷。守將范天順。

文虎之姪。

牛富。

霍邱人。

死之。

樊被圍四年。范天順。牛富。力戰不為衄。富又數射書襄

陽城中。期呂文煥相與固守。為唇齒。初。襄樊兩城。漢水

出其間。文煥植木江中。鑲以鐵絙。上造浮橋。以通援兵。

樊亦恃此為固。至是。阿珠以機鋸斷木。以斧斷絙。燔其

橋。襄兵不能援。乃以兵截江。而出銳師薄樊城。城遂破。

天順仰天嘆曰。生爲宋臣。死爲宋鬼。卽所守處縊死。富率死士百人巷戰。元兵死傷者不可計。渴飲血水。轉戰而進。遇民居。燒絕街道。富身被重傷。以頭觸柱。赴火死。裨將王福見富死。歎曰。將軍死國事。吾豈宜獨生。亦赴火死。

二月。呂文煥以襄陽叛。降元。

襄陽久困援絕。撤屋爲薪。緝關會爲衣。文煥每一巡城。南望慟哭而後下。告急于朝。賈似道累上書請行邊。而陰使臺諫上章留已。樊城旣陷。復申請之。事下公卿雜議。監察御史陳堅等。以爲帥臣出。顧襄未必能及淮。顧淮未必能及襄。不若居中以運天下。帝從之。時羣臣多言高逵可

援襄陽者。御史李旺入言于似道。似道曰。吾用達如呂氏何。旺出歎曰。呂氏安則趙氏危矣。文煥聞達且至。亦不樂。以語其客。客曰。易耳。今朝廷以襄急。故遣達。吾以捷聞。則達必不成。遣矣。文煥大以爲然。會獲元哨騎數十人。文煥卽繆以大捷奏。然不知朝中實無援襄事也。先是阿爾哈雅輝和爾人舊作阿里

海涯。攻樊城。得西域人所獻新礮法。遂破外郭。至是移今改。攻樊城。得西域人所獻新礮法。遂破外郭。至是移之以向襄陽。一礮中其譙樓。聲如震雷。城中沟沟諸將多踰城降者。阿爾哈雅乃身至城下。宣元主所降招諭文煥。詔曰。爾等拒守孤城。于今五年。宣力爾主。固其宜也。然勢窮援絕。如數萬生靈何。若能納款。悉赦勿治。且加遷擢。文煥狐疑未決。因折矢與之誓。文煥乃出降。阿珠入襄陽。阿爾哈雅遂偕文煥朝燕。元主以文煥爲襄漢大都督。事聞。似道言于帝曰。臣始屢請行邊。陛下不

元之覆宋也專力荆湖迨襄樊舉而藩籬去險固失破竹之勢已成淮東諸路之師特以牽制宋兵使腹背受敵耳非必欲築堡堅壘為曠日持久計也況清口桃源之策整當時即有是言何至將軍中書帙密稿付吏人之手使得宣洩于外乎至蜀平江南可定之言尤眾所共見不待整言者宋人不惟不燭其詐

之許向使早聽臣出當不至此

文煥兄知廬州文福文德子知靖江府師夔俱

上表待罪似道庇之詔皆不問

三月詔城清口

註見前

劉整故吏羅鑑自北復還上整書稿一帙于四川制司

有取江南二策其一言先取全蜀蜀平江南可定其二

言清口桃源河淮要衝宜先城其地屯山東軍以圖進

取帝亟詔淮東制司往清口擇利地築城備之

置清河軍元改

縣今縣屬淮安府

置機速房于中書

襄城既失賈似道復上書言事勢如此非臣上下驅馳聯絡氣勢將有大可慮者帝曰師相豈可一日離左右

且傾信之而遽加興繕所
見何異孩孺哉

似道乃建機速房以革樞密院漏泄兵事稽遲邊報之
弊尋詔中外大小臣僚有材識超卓明控御之宜懷攻
守之畧者密具以聞四川宣撫司參議官張夢發陳危
急三策曰鎖漢江口岸曰城荆門軍當陽界之玉泉山
在安陸府當陽縣西亦名覆船山曰峽州宜都而下聯署堡砦以保聚
流民且守且耕並圖上城築形勢似道不以上聞下京
湖制司審度可否事竟不行

元主立其子精吉木爲太子

精吉木元主之長子初封燕王守中書令兼判樞密院
事劉秉忠薦中山王恂字敬甫唐縣人以輔之元主以爲太子
贊善精吉木問恂以心之所守恂曰嘗聞許衡言人心

猶印板然。板本不差。雖摹千萬本皆不差。本既差矣。摹之于紙無不差者。精吉木曰善。至是立為皇太子。

李庭芝免。夏四月。以汪立信為京湖制置使。趙潛字元晉葵之子。

為沿江制置使。

立信兼知江陵。潛兼建康留守。潛多獻寶玉于似道。故有是命。

六月。降范文虎一官。職任如故。竄俞興子大忠于循州。註見前。

給事中陳宜中言。襄樊之失。皆由范文虎怯懦逃遁。乞

斬之。賈似道不許。止降一官。監察御史陳文龍字君貴福州興

化言。文虎失襄陽。猶使知安慶府。是當罰而賞也。趙潛

乳臭小子何足以當大閫之寄。請皆罷之。似道大怒。黜文龍。知撫州。旋又使臺官季可劾退之。汪立信言。臣奉命分閫。延見吏民。皆痛哭流涕。言襄樊之禍。皆由范文虎。俞興父子。文虎以三衙長。聞難怯戰。僅從薄罰。興奴隸庸才。務復私怨。激叛劉整。流毒至今。其子大忠。挾多資爲父行賄。且自希進。今雖寸斬。未足以快天下之忿。乞置重典。則人心興起。事功可圖。詔除大忠名。循州拘管。

秋七月。元許衡乞罷。許之。

衡請還懷孟。元主以問翰林學士王磐。磐對曰。衡教人有法。諸生行可從政。此國之大體。宜勿聽其去。元主又

命諸老臣議其去留。竇默爲衡懇請。乃聽衡還。劉秉忠、姚樞及磐默等復請以贊善王恂攝學事。衡弟子耶律有尚等爲助教。庶幾衡之規矩不致廢墜。從之。

元人城馬駿山。在重慶府合州東北。知合州張珪字君玉。鳳州人。擊走之。

劉整獻計于元。欲自青居進築馬駿虎頭。亦在合州東北。二山。

扼三江口。嘉陵江入合州界。合渠江曰嘉渠口。又逕州東南合涪江。曰三江口。以圖合州。

遣統軍哈喇舊作合。舊刺。今改。築之。張珪聞哈喇至。乃張疑兵于

嘉渠口。潛師渡平陽灘。在合州嘉陵江中。火其資糧器械。越砦

七十里。焚船塢。由是馬駿城築卒不就。先是元兵入蜀。

拒守。堅還。以珪代之。珪承凋弊之後。外以兵護農。內教

民懇田積粟。未再期。公私兼足。至是元兵既退。珪言于

朝。請城馬駿虎頭二山。或先城其一。以據險要。不報。

冬十一月以李庭芝夏貴爲淮東西制置使陳奕爲沿江制置使。

庭芝兼知揚州貴兼知廬州奕兼知黃州庭芝請分所部兩淮爲二司故以淮西付貴奕以兄事賈似道玉工陳振民以求進自小官歷顯要遂掌禁兵。

封子焘

帝次子全后出焘同焘卽顯字爲嘉國公。

甲戌十年

元至元十一年

春正月賈似道母死詔以鹵簿葬之遂起

復似道入朝。

似道母胡氏死似道歸越治喪詔以天子鹵簿葬之起墳擬山陵百官奉襄事立大雨中終日無敢易位者旣葬詔起復之似道遂還朝。

元以巴延

蒙古巴林部人。舊作伯顏。今改。

爲中書左丞相。

巴延事宗王轄魯于西域。嘗入奏事。元主見其貌偉言厲。曰。此非諸侯王臣。遂留與議國政。自右丞進左相。

秋。七月。帝崩。子嘉國公焜卽位。太后臨朝稱詔。

帝爲太子時。以好內聞。旣立。耽于酒色。及是崩。賈似道

入宮議所立。衆以建國公焜

同正。帝長子。

長當立。似道主嫡。

乃立嘉國公焜。時年四歲矣。謝太后臨朝稱詔。

封兄昱爲吉王。弟昺

同炳。度宗第三子。

爲信王。

昱母楊淑妃。昺母俞修容。

詔賈似道獨班起居。

尊皇太后曰太皇太后。皇后曰皇太后。

罷京湖制置使汪立信

宋印不拘元聘使元亦未必竟能忘情況既因此構釁與兵更非禮遣所能釋恐至此時而欲輸幣緩師幾無異衛莊公之許璧求活立信所見誠為迂闊無當至其以選兵屯守為上策雖亦緩不及事然憑江淮之險以為固悉簡精銳并守未嘗不可稍遏敵鋒而為國獻謀言之尤為無罪乃似道遽以為狂言肆訴罷斥旋加必欲鉗天下之口以坐視宗社之亡實不解其是何肺腸矣

立信移書責賈似道

謂今天下之勢十去八九誠上下交修以逆續天命之幾重惜分陰

以趨事赴功之日也而乃酣歌深宮嘯傲湖山玩歲愒月緩急倒施以求當天心俯遂民物拱揖指揮而折衝萬里不亦難乎為今日之計者其策有三夫內郡何事多兵宜盡出之江干以實外禦算兵帳見兵可七十餘萬人老弱柔脆十分汰二為選兵五十餘萬人而沿江之守則不過七千里若距百里而屯屯有守將十屯為一府府有總督其尤要害處輒參倍其兵無事則泛舟長淮往來游徼有事則東西齊奮戰守並用刁斗相聞餽餉不絕互相應援以為聯絡之固選宗室大臣忠良有幹用者立為統制分東西二府以蒞治之此上策也久拘聘使無益于我徒使敵得以為辭請禮而歸之許輸歲幣以緩師期不一二年邊運稍休藩垣稍固生兵日增可戰可守此中策也二策果不得行似道得書大怒則天敗我也銜璧輿櫬之禮請備以俟似道得書大怒抵之地詬曰瞎賊狂言敢爾蓋立信一目微眇云尋中以危法廢斥之

以朱禪孫為京湖制使兼知江陵府

八月大霖雨。天目山崩。

山在杭州府臨安縣西北。與於潛縣及湖州府安吉州接界。元和志

山有兩峯。峯頂各一池。左右相對。名曰天目。

水涌安吉。臨安餘杭。

注俱見前。

民溺死者無算。

元太保劉秉忠卒。

諡文貞。

秉忠自幼好學。至老不衰。雖位極人臣。終日澹然。不異平昔。至是卒。元主驚悼。謂左右曰。秉忠事朕三十年。小心慎密。不避艱險。言無隱情。其陰陽術數之精。占事知來。若合符契。惟朕知之。他人不得與聞也。贈太傅趙國公。

元史天澤巴延大舉南侵。天澤有疾而還。

元主詔數賈似道背盟拘使之罪。命天澤巴延總諸道

兵與阿珠阿爾哈雅呂文煥行省荊湖博囉干莽郭人太祖功

臣鄂約達勒會孫按博囉干舊作博羅權莽郭舊作忙兀鄂約達勒舊作畏答兒今並改安塔海達蘇人舊作遜

都思今改劉整達春蒙古扎拉爾氏舊作塔出今改董文炳行院淮

西兵二十萬天澤至郢病篤召還諸軍並聽巴延節制

九月元呂文煥以巴延趨郢州劉整以博囉干趨淮西

巴延分大軍為兩道自與阿珠由襄陽入漢濟江以呂

文煥將舟師為前鋒博囉干由東道取揚州監淮東兵

以劉整將騎兵先行巴延一軍自分三道索多扎拉爾氏舊作

唆都今改將一軍由棗陽哨司空山在襄陽府南漳縣西北與鄖陽府接界翟

招討將一軍由老鴉山在南漳縣南最險隘徇荆南而自與阿

珠帥阿樓罕扎拉爾氏舊作阿刺罕今改張弘範諸軍水陸趨郢旌

旗延袤前後數百里。

冬十月元巴延攻郢州。張世傑力戰禦之。巴延遂潛兵入

漢屠沙洋。

鎮名在安陸府荊門州東南。州志西魏置綠麻縣。後廢。今為沙洋鎮。臨漢水上。

破新郢。

守將邊居誼

隨州人。

死之。

巴延薄郢州軍十城西。時張世傑將兵屯郢。郢在漢北。

以石為城。

郢州城。即古石城。今為安陸府治。石城。注見前。

新郢在漢南。橫鐵紵

鎖戰艦。密植椿木水中。夾以砲弩。其要津皆施杙。設攻

具。元軍襲城。世傑力戰。元軍不能前。遣人招世傑。不聽。

阿珠乃用俘者言。由間道趨郢。

俘言。沿江九郡精銳皆萃于二郢。若舟師出其

間。騎兵不得護岸。此危道也。不若取黃家灣堡。東有河口。可入藤湖。轉而下江。僅三里。巴延從之。攻拔黃家灣

堡。引諸軍盪舟自藤湖入漢。黃家灣堡。在鍾祥縣南。藤湖在荊門州東南。

進至沙洋。遣俘

持黃榜檄文入城。守將王虎臣王大用斬俘焚榜。文煥復至城下招之。亦不應。日暮風大起。巴延命順風掣金汁礮焚其廬舍。煙焰漲天。城遂破。生擒虎臣。大用餘悉屠之。遂薄新城。卽新郢城。文煥列沙洋所馘于城下。復縛大用等至壁。使招降。都統邊居誼不答。明日又至。曰。吾欲與呂參政語耳。文煥以爲降已。馳馬至。伏弩亂發。中文煥右臂并馬。馬仆。幾鉤得之。衆挾文煥以他馬奔走。會其總制黃順副將任寧俱出降。其部曲多欲縋城出者。居誼悉驅入。當門斬之。文煥乃麾兵攻城。居誼以火具却之。旋蟻附而上。居誼度力不支。拔劍自殺。不殊。赴火死。所部三千人猶力戰。悉死焉。

十一月以陸秀夫字君實楚州鹽城人。後徙鎮江。參議淮東制置司事。

李庭芝在淮南。聞秀夫名。辟置幕下。時天下稱得士多者。以淮東為第一。號小朝廷。秀夫性沉靜。不苟求人知。每僚吏至閣。賓主交驩。秀夫獨斂焉。無一語。或時宴集府中。矜莊終日。未嘗少有希合。至察其事皆治。庭芝益器之。雖改官。不使去已。

以王爚字仲潛。一字伯晦。紹興新昌人。章鑑字公秉。分寧人。為左右丞相。兼樞密使。

制下。爚屢疏固辭。不許。尋又請母判省院公牘。亦不許。十二月。元巴延攻陽邏堡。注見前。夏貴帥師拒之。巴延使阿珠襲青山磯。在武昌府江夏縣東北。濱大江。遂渡江。

巴延至蔡店。

在漢陽府漢陽縣西。今爲鎮。有巡司。

大會諸將。刻期渡江。遣

人觀漢口形勢。時夏貴以漢鄂舟師分據要害。王達守

陽邏堡。朱禩孫以游擊軍扼中流。兵不得進。軍將馬福

言。淪河

在漢陽府孝感縣東南。上流卽還水。分流曰灑水。又別爲竹子港。下流俱入大江。

口穿

湖中。可從陽邏堡西沙蕪口

在漢陽府黃陂縣南。上通武湖。下達大江。一名武口。

亦名沙武口。入江。巴延乃進圍漢陽。聲言取漢口。渡江乘間

遣阿樓罕將奇兵倍道襲沙蕪口。奪之。因自漢口開壩。

引船入淪河。轉沙蕪口以達江。戰艦萬計。相踵而至。遣

人招諭陽邏堡。不應。巴延因密謀于阿珠曰。彼謂我必

拔此堡。方能渡江。此堡甚堅。攻之徒勞。汝今夜以鐵騎

三千汎舟直趨上流。爲擣虛之計。阿珠卽以昏時率四

翼軍。溯流二十里。至青山磯。是夜雪大作。黎明。阿珠遁見南岸多露沙洲。卽登舟指示諸將。令徑渡。載馬後隨。萬戶史格字晉明。天澤子。一軍先渡。爲荆鄂都統程鵬飛所敗。阿珠引兵繼之。大戰中流。鵬飛軍却。阿珠遂登沙洲。攀岸步鬪。散而復合者數四。出馬急擊。追至鄂東門。鵬飛被重創走。

元巴延拔陽邏堡。夏貴棄師走還。巴延遂會阿珠趨鄂州。阿珠遣人還報。巴延大喜。揮諸將急攻陽邏堡。夏貴聞阿珠飛渡。大驚。引麾下三百艘先遁。沿流東下。縱火焚西南岸。大掠。還廬州。都統制王達及定海水軍統制劉成俱戰死。元師遂入堡。諸將請追貴。巴延曰。陽邏之捷。

吾將遣使前告宋人。今貴走。是代吾使也。乃渡江。與阿珠會。趨鄂州。知漢陽軍王儀以城叛降。

朱禩孫將兵救鄂。不至而還。

禩孫聞元兵趨鄂。帥師援之。道聞陽邏堡之敗。乃夜奔還江陵府。

鄂州降。元巴延便行省右丞阿爾哈雅戍鄂。遂引兵東下。鄂恃漢陽爲蔽。及京湖之援。朱禩孫旣遁。漢陽復失。鄂勢遂孤。呂文煥列兵城下。招諭權守張晏然。與都統程鵬飛度不能守。遂以州軍降。幕僚張山翁獨不屈。元諸將請殺之。巴延曰。義士也。釋之。命阿爾哈雅以四萬人守鄂。規取荆湖。而自率大衆與阿珠東下。趨臨安。

似道素不知兵前此鄂州之役掩敗爲功尤衆人所共見及鄂破而元師乘勝東下席捲之勢已成雖名將尙恐不足抵禦似道卽出豈能紓敵患而安衆心廷臣疏請似道親出蓋嫉其權奸誤國藉以視其致敗耳非果里其有濟於事然極國計而快私憤廷臣之心亦不可問此宋之所以亡也

詔賈似道都督諸路軍馬開府臨安似道以孫虎臣總統諸軍。

鄂旣破朝廷大懼三學生及羣臣上疏以爲非師相親出不可似道不得已始開都督府于臨安以黃萬石等參贊軍事所辟官屬皆先命後奏仍于封樁庫撥金十萬兩銀五十萬兩關子一千萬貫充都督府公用王侯邸第皆輸助軍錢穀且覈釋道租稅收之以備用。

詔天下勤王。

陳奕以黃州叛降元

元巴延遣程鵬飛至黃州招諭陳奕奕使人過江請降且求名爵巴延曰汝旣率衆來歸何必慮及名爵以沿

江大都督許之。奕大喜。遂以城降。時沿江諸郡皆呂氏舊部曲。望風款附。奕又以書誘其子巖。以安東州降元。李庭芝遣兵入援。

帝暴

乙亥。德祐元年。

元至元十二年。

春正月。元兵入黃蘗州。

葬永紹陵。

史臣曰。度宗嗣位。雖無大失德。而拱手權奸。哀弊寢甚。國亡不于身。幸矣。

以呂師夔參贊都督府軍事。師夔不受命。以江州叛。降元。初。師夔提舉江州興福宮。請募兵以禦元。詔與知州錢真孫同募。至是。賈似道承制召師夔。參贊都督府事。任中流調遣。師夔不受命。與真孫降元。巴延以師夔知江

劉整以宋將降元甘為鄉導已不足齒于人類乃不以身事二姓為恥而扼腕于首帥約束成功後人發憤以死適益增其遺臭豈直輕于鴻毛豈得以豫讓相比哉

州時知壽昌軍

宋置屬鄂州今武昌府武昌縣是

胡夢麟寓治州中自

殺

師夢設宴庾公樓選宗室女二人獻巴延巴延怒曰吾奉天子命與仁義師問罪于宋豈以女色移吾心

乎斥遣之庾公樓在九江府治後濱大江

元劉整死于無為軍

周禮曰整以宋臣降元引戎故國從叛逆例書死

初元人南侵用呂文煥與整為導尋命整別將兵出淮

南整銳欲渡江曰大軍自襄樊東下宋悉力西拒東方

虛弱徑造臨安可一鼓而捷也巴延不可至是整率騎

兵攻無為軍久而不克聞文煥入鄂捷至失聲曰首帥

束我使我成功後于人遂發憤死于無為城下

知安慶府

宋置今屬江南

范文虎叛降元

文虎遣人如江州迎元軍巴延乃使阿珠以舟師先造

文虎以城降。通判夏倚仰藥死。巴延繼至。承制授文虎兩浙大都督。

賈似道出師。次于蕪湖。二月。夏貴引兵會之。

似道畏劉整不敢發。及聞其死。喜曰。吾得天助也。乃上表出師。抽諸路精兵十三萬人以行。金帛輜重之舟。舳艫相銜。百有餘里。命宰執小事。專決大事。則關白督府。不得擅行。進次蕪湖。遣人通呂師夔以議和。未幾。夏貴引兵來會。袖中出一編書示似道曰。宋歷三百二十年。似道俛首而已。

以汪立信爲江淮招討使。募兵禦元。

賈似道至江上。以立信爲江淮招討使。俾就建康募兵。

立信受詔。卽日上道。與似道遇于蕪湖。似道拊立信背曰。不用公言。以至于此。因問立信何向。立信曰。今江南無一寸乾淨地。某去尋一片趙家地上死。要死得分明耳。旣至建康。守兵悉潰。四面皆北軍。立信知事不可成。歎曰。吾生爲宋臣。死爲宋鬼。終爲國一死。但徒死無益耳。率所部數千人至高郵。欲控引淮漢。以爲後圖。賈似道復請和于元。巴延不許。

似道復使宋京。如元軍。請稱臣。奉歲幣。如開慶約。巴延答書曰。未渡江時。議和入貢。則可。今沿江州郡。皆已內屬。欲和則當來面議也。似道不答。

元克池州。

唐置。明爲府。今屬江南。

權守趙卯發。

字漢卿。昌化人。死之。

池守王起宗聞元軍渡江棄官去。通判趙卯發攝州事。卯發繕壁聚糧爲固守計。都統張林屢諷之降。卯發峻拒之。已而林帥兵巡江陰。遣人納款。而陽助卯發爲守。守兵皆歸于林。卯發知事不濟。乃置酒會親友與訣。謂妻雍氏曰。城將破。吾守臣不當去。汝先出走。雍曰。君爲忠臣。我獨不能爲忠臣婦乎。明日。元兵薄城。卯發晨起。書几上曰。國不可背。城不可降。夫婦同死。節義成雙。遂與雍氏同縊死。林開門降。已延入城。問太守何在。左右以死對。深歎惜之。命具棺衾合葬。祭其墓而去。事聞。贈待制。諡文節。雍氏贈順義夫人。

元主封其子諾摩罕

舊作那木罕。今改。

爲北平王。以安圖行省院

事于北鄙。

元太宗長孫曰海都。

元史諸王世系表。海都爲太宗第五子和碩王之子。和碩王舊作合

失大王。今改。

居北方。自定宗以來。日尋干戈。至是。詔封諾摩

罕爲北平王。率諸王兵鎮守。而安圖總省院之政。

元平章軍國重事史天澤卒。

諡忠武。

天澤至真定。病篤。附奏曰。臣死不足惜。但願天兵渡江。慎勿殺掠。語不及他。元主聞訃震悼。贈太尉。追封鎮陽

王。

天澤下居。未嘗自矜其能。及臨大事。毅然以天下自任。出入將相五十年。上不疑。下無怨。人以比郭子儀。

曹彬云。

孫虎臣。夏貴之師。潰于江上。賈似道奔揚州。元盡取江淮州軍。

賈似道以精銳七萬餘人。盡屬孫虎臣。軍于池州下流。

之丁家洲。

在池州府銅陵縣東北。

夏貴以戰艦二千五百艘橫亘

江中。似道自將後軍。軍魯港。

在蕪湖縣西南。上源。卽寧國之小淮水。下流入江。今

有貴嘗失利于鄂。恐督府成功。無所逃罪。又忌虎臣新

進出已上。殊無鬪志。會巴延令軍中作大檣數十。採薪

芻置其上。陽言欲焚舟。而陰遣步騎夾岸以進。時阿珠

與虎臣對陣。巴延命舉巨礮擊虎臣中堅。虎臣軍動。阿

珠以划船數千艘。乘風直進。呼聲動天地。虎臣前鋒將

姜才

濠州人。

方接戰。虎臣遽過其妾所乘舟。衆見之。謹曰。

步帥遁矣。軍遂亂。夏貴不戰而走。以扁舟掠似道船。呼

曰。彼衆我寡。勢不支矣。似道聞之。錯愕失措。遽鳴鉦收

軍舳艫簸蕩。乍分乍合。阿珠麾將校橫擊深入。巴延以步騎左右掎之。殺溺死者不可勝計。水爲之赤。軍資器械盡爲元所獲。似道夜駐珠金沙。召貴計事。頃之虎臣至。撫膺哭曰。吾兵無一人用命者。貴微笑曰。吾嘗血戰當之矣。似道曰。計將安出。貴曰。諸軍已膽落。吾何以戰。師相惟有入揚州招潰兵。迎駕海上。吾當以死守淮西耳。遂解舟去。似道乃與虎臣單舸奔還揚州。明日潰兵蔽江而下。似道使人登岸。揚旗招之。皆莫應。有爲惡語嫚罵之者。于是鎮江寧國隆興江陰守臣皆棄城遁。太平和州無爲軍俱相繼降元。

元克饒州。知州事唐震。

字景實。會稽人。

故相江萬里死之。

元軍畧饒州。知州唐震發州民城守。時元遣使來取降
款。通判萬道同諷震降。震叱之曰。我忍偷生負國邪。城
中少年感震言。殺元使者。已而元軍登陴。衆皆散。震入
坐府中。元軍執牘使署降。震擲筆于地。不屈。遂死之。其
兄與家人俱死。初。江萬里罷相後。聞襄樊破。鑿池芝山
在饒州府鄱陽縣北。唐刺史薛振常採芝于此。因名。後圃。扁其亭曰止水。人莫喻
其意。至是。謂門人陳偉器曰。大勢不可爲。余雖不在位。
當與國爲存亡。遂赴止水死。左右及子鎬。本蜀人。王櫛子。爲萬里後。
相繼投沼中。積屍如壘。翌日。萬里屍獨浮出水上。從者
斂葬之。事聞。贈震華文閣待制。諡忠介。萬里太傅益國公。諡文忠。

行宮留守趙潛棄建康而逃

江上之師為南宋存亡一
六機會自遷都議起廷論
遂有異同然時事至此已
無可為即固守孤城亦未
必能再延一綫但與其播
遷海上委棄洪濤又何如
堅蹕行都猶不失為宗社
之殉耶王爚此論固未為
非理然以其說不行棄位
徑去置國事于不問其跡
似乎抗直其心未免避禍
以視似道之喪師辱國所
差亦不能以間耳

潛盡取行宮金帛棄城而遁。

賈似道上書請遷都王爚去位。

似道至揚州檄列郡如海上迎駕上書請遷都太皇太

后不許殿帥韓震

賈似道親信出師時令總禁兵

復以為請詔下公卿

雜議王爚請堅蹕未決以已不能與大計乞罷政不待

報徑去已而宗學生上言陛下移蹕不于慶元則于平

江事勢危急則航海幸閩不思我往彼亦能往徒驚擾

無益乃止。

張世傑將兵入衛遂復饒州。

時方危急徵諸將勤王多不至惟世傑來上下歎異陳

宜中疑世傑歸自元易其所部軍。

江西提刑文天祥起兵勤王。

勤王詔至贛。天祥奉之涕泣。發郡中豪傑。并結溪峒山蠻。有衆萬人。遂入衛。盡以家資爲軍費。每與賓客僚佐語及時事。輒撫几曰。樂人之樂者。憂人之憂。食人之食者。死人之事。聞者爲之感動。

湖南提刑李芾

字叔章衡州人

遣兵入援。

芾性剛直。忤賈似道。貶官家居者久之。至是提刑湖南。發壯士三千人。使將將之勤王。

以陳宜中知樞密院事。兼參知政事。

遣元行人郝經還。

元主復使經弟行樞密院都事庸

字季常

等來問經所在。

郝經使宋被拘抗志不屈固宜與蘇武並稱然武尚不免娶婦生子而經獨以著書盡學為事更可謂矜然不滓者至帛書一節世蓋因武事而傳曾不知上林射鴈乃漢使設詞以誑匈奴在當時本非事實若竟欲藉以為通問則不免倣古而失之愚諒經必不出此且中統十五載適當至元乙亥距經北還之歲首尾一年繪帛之質豈能尚無汨損非人射得又何從竟置私家宋濂輩借以點綴詞章固無不可史傳亦採而錄之則誣矣

詔遣總管段佑以禮送經歸經道病元主勅尚醫近侍迎勞至燕未幾卒諡文忠經留宋十六年思託言垂後所著有續漢書及易春秋外傳諸書從者皆通于學其北還之歲中民射鴈金明池得繫帛書詩云霜落風高恣所如歸期回首是春初上林天子援弓繳窮海羣臣有帛書中統十五年九月一日放鴈獲者勿殺國信大使郝經書于真州忠勇軍營新館蓋經以久留音問不通乃用蠟丸帛書親繫鴈足視之北飛時南北隔絕不知中統之為至元也事載元史經本傳明宋濂有題帛書後文且云是書為安豐教授王時中所得至延祐中集賢學士郭貫獲之始上于朝仁宗令裝潢成帙藏諸東觀吳澄袁桷虞集皆有所作其言尤為詳確續綱目不載今特為補輯賈似道有罪免

陳宜中初附似道得驟登政府及堂吏翁應龍自軍中以都督府印還宜中問似道所在應龍以不知對宜中意其已死即上疏乞誅似道以正誤國之罪太皇太后

宋史 卷之九十四
三
曰。似道勤勞三朝。安忍以一朝之罪。失待大臣之禮。詔授似道醴泉觀使。罷平章都督。凡似道諸不卹民之政。次第除之。以公田給還田主。令率其租戶爲兵。放還諸竄謫人。

右丞相章鑑遁。

鑑聞元兵日迫。託故徑去。

端明殿學士江淮招討使汪立信卒于軍。

立信聞賈似道師潰。江漢守臣望風降遁。歎曰。吾今日猶得死于宋土也。乃置酒招賓僚與訣。手自爲表。起居三宮。與從子書。屬以家事。夜分起步庭中。慷慨悲歌。握拳撫案者三。以是失聲三日。扼吭而卒。後元軍至建康。

然方駐兵高郵身當南北之衝屹然為江淮聲援使其子潰師之後激勵士卒力圖再舉或藉此稍為措挂亦未可知即時勢萬無可為亦當俟嬰守計窮與城同殉乃甫聞敗問遽爾自戕于時事絲毫無補嗟乎其輕擲一死耳

金明立信愛將以其家人免或以立信三策及死告巴延請

戮其孥巴延歎息久之曰宋有是人有是言哉使果用

之我安得至此命求其家厚卹之曰忠臣之家也金明

以立信之喪歸葬丹陽

三月陳宜中殺殿前都指揮使韓震

或言震謀劫帝遷都陳宜中欲示非賈似道黨乃召震

計事伏壯士袖鐵椎擊殺之震部曲百餘人大驚而出

射火箭入宮斫嘉會門宜中遣兵逐之遂奔建康

元巴延入建康

建康都統徐旺榮迎巴延入城居之時江東大疫居民

乏食巴延開倉賑之且遣醫治疾民大悅會元主有詔

以時方暑。不利行師。俟秋再舉。巴延上言曰。百年逋敵。已扼其吭。少爾遲回。奔播海島。遺後悔矣。元主從之。詔巴延以行中書省駐建康。阿珠分兵駐揚州。與博囉干達春絕宋淮南之援。巴延分兵四出。知廣德軍令狐榘以城降元。

以王爚。陳宜中爲左右丞相。並兼樞密使。都督諸路軍馬。爚與宜中論事多不合。宜中請建督府于京師。檄召諸路軍馬勤王。并令潰軍各歸所部。團結內外兵十七萬五千人。分廂差官爲督。給一兵。付教場教閱。

削章鑑官。放歸出里。

鑑旣去。太皇太后遣使召還。罷相于祠。韓震之死。鑑明

其無他。為御史王應龍所劾。削一官。放歸田里。鑑居位號寬厚。

與人多許可。時日為滿朝歡。

復吳潛向士璧官。貶竄賈似道黨人有差。

御史陳過。

續綱目作陳過庭。考宋史本紀無庭字。今改正。

潘文卿請竄賈似道。

并治其黨與。詔刺配翁應龍于吉陽軍。罷廖瑩中。王庭

金華人。劉良貴。陳伯大。董樸等官。

元軍入常州。

知常州趙與鑑遁。州人錢訔

續綱目作王良臣。今從宋史。

等以城降

元。知平江府潛說友亦叛降于元。

後五月。和州防禦使劉師勇復取常州。

劉師勇廬州人。

詔張世傑總都督府諸軍。世傑分道出兵以拒元。

世傑遣其將閻順、李存進軍廣德。謝洪永進軍平江。李山進軍常州。順遂復廣德軍。

有二星闕于中天，一星隕。

趣五郡鎮撫使呂文福將兵入衛。文福殺使者，叛入江州。

臨安戒嚴。曾淵子

字廣微，南豐人。

文及翁

字時學，綿州人。

倪普等棄位而遁。詔戒禁之。

人臣當無事之時，苟圖自逸，引身而退，已乖陳力就列之義。矧乃疆場日棘，國故多艱，卽夙夜在公，尙恐不能救危亡于萬一，盡心所事，義固應然。豈有當京邑戒嚴，相率而爲遁荒之舉，棄置朝廷，悍然不顧，曾淵子等平日皆號讀書明理之人，至臨難則唯思苟免，真爲士類所羞。稱然章

元兵旣近，臨安戒嚴。于是同知樞密院事曾淵子、左司

諫潘文卿、右正言季可、兩浙轉運副使許自、浙東安撫

王霖、龍侍從陳堅、何夢桂、曾希顏等數十人皆遁。朝中

爲之蕭然。簽書樞密院事文及翁、同簽書院事倪普、諷

臺諫劾已。章未上，亟出關遁。太皇太后聞之，詔榜朝堂。

鑑留夢炎輩身繫國鈞亦復抱頭鼠竄其餘又何足責乎

云我朝三百餘年待士大夫以禮吾與嗣君遭家多難爾小大臣未嘗有出一言以救國者方且表裏合謀接踵宵遁平日讀聖賢書自諉謂何乃于此時作此舉措生何面目對人死亦何以見先帝天命未改國法尚在其在朝文武官並轉二資其畔官而遁者令御史臺覺察以聞然不能禁也

元禮部尚書廉希賢

字達甫一名準圖哈雅希憲從弟

等來至獨松關

在今

餘杭縣西北獨松嶺上為江浙二省要隘

守將張濡

俊曾孫

殺之

元主遣禮部尚書廉希賢工部侍郎嚴忠範

泰安長清人實之子

奉國書而南至建康希賢請兵自衛巴延曰行人以言不以兵兵多反致疑耳希賢固請遂以兵五百送之行

元兵既已渡江其局固非

乞和可了兩軍相對使行
其間乃行人甫入境遽以
兵刃相加實非情理所宜
使宋果有良將勁卒可以
制勝或者猶可今龍無可
自恃者而冒昧橫挑敵怒
人必思餌以甘言更與兒
戲何異元人豈肯爲宋所
愚謀國者錯繆若此尙何
所恃以圖存耶

至獨松關張濡部曲不知爲使襲殺忠範執希賢送臨
安希賢病創死朝廷使人移書元軍言殺使之事乃邊
將太后及嗣君實不知當按誅之請罷兵通好巴延曰
彼爲詐計視我虛實耳當擇人同往觀其事體令彼速
降乃遣議事官張羽同使人還臨安羽至平江被殺
元阿爾哈雅入岳州

岳州安撫使高世傑復會郢復岳三州及上流諸軍戰
船數千艘扼荆江口阿爾哈雅督諸翼水軍屯東岸世
傑乘夜陣于洞庭湖中阿爾哈雅分道擊之世傑敗走
力屈乃降阿爾哈雅斬世傑以徇岳州總制孟之紹舉
城降元元兵尋復破沙市城監鎮司馬夢弼

叙州人光
五世孫

死之。

夏四月元阿爾哈雅侵江陵朱禩孫高達以城降遂盡取荆南州軍。

初高達解鄂州之圍賈似道許以建節後忌而不與達遂怨望至是阿爾哈雅自岳州攻江陵達戰累敗及元屠沙市達與禩孫及提刑青陽夢炎等遂出降阿爾哈雅遂入城命禩孫移檄所部于是湖北諸郡歸峽郢復鼎澧辰沅靖隨常德均相繼皆降阿爾哈雅以兵守峽提聞元主房施荆門喜謂近臣曰巴延東下阿爾哈雅孤軍守鄂朕常憂之今荆南定吾東兵可無後患矣乃親作手詔褒之授高達參知政事禩孫至上都死。

建藩之說在平世已屬迂
談况敵騎憑城即猛將雄
兵猶難支挂豈與芮庸材
分陝所可倚以自彊且紹
興僻在浙東地非衝要虛
崇體制更與實際何裨議
著第欲博建置之名而于
當時事勢全未籌及厥後
行都既破與芮且不召自
來又安在其能為藩衛乎

以福王與芮為浙東安撫大使開府紹興

有司議建藩屏以彊王室詔以與芮為浙東安撫大使
判紹興開府置長史司馬

元阿珠侵真揚州李庭芝遣守將苗再成姜才帥兵禦之
敗績

元兵東下所過迎降李庭芝率勵所部固守揚州阿珠遣李

虎持招降榜入城庭芝殺虎焚其榜總制張俊出戰持

降臣孟之縉書來招降庭芝復焚其書梟俊首于市

時出金帛牛酒燕犒將士人人感激自奮及阿珠攻真
州苗再成與趙孟錦宗室帥兵大戰于老鸛背註見前敗

績阿珠乘勝進趨揚州姜才為三疊陣逆之于三里溝

敗之阿珠陽退才逐之阿珠反戰至揚子橋在揚州府江都縣南

是時宋之君臣救亡之不暇。尙從容爲崇儒重道之舉。此與宋襄臨戰談古何異。真可笑可哀耳。

兩軍夾水而陣。元張弘範以二十騎絕渡。衝才軍。才軍堅不可動。弘範引卻以誘之。一騎躍馬揮刀直趣弘範。弘範旋轡反迎刺之。應手而斃。才軍遂潰。阿珠與弘範追之。自相蹂踐。與陷濠水死者甚衆。流矢中才肩。才拔矢揮刀而前。元軍辟易不敢逼。遂以身免。元軍進薄揚州南門。

詔與婺州處士何基主栢。

基字子恭。栢字會之。俱金華人。贈諡。

基少師事黃幹。醇固篤實。絕類漢儒。趙汝騰蔡抗。

字仲節。元

定。楊棟。

字元極。眉州青城人。

相繼薦于朝。詔與州學教授。又改承

務郎。基終不受。栢年三十。始知爲學之源。捐去俗學。勇于求道。從基游。基授以立志居敬之旨。以質實堅苦自

勵凡六經四書及濂洛關閩之書皆有著述。至是詔諡
基曰文定。贈栢承事郎。

詔張世傑等四道出兵以禦元。

時知慶遠府仇子真。淮東兵馬鈐轄阮克己。各將兵入
衛。詔與世傑。張彥。分道出擊元軍。臺諫請命大臣監護。
事下公卿雜議。久而不決。陳文龍上言。北兵今日取某
城。明日築某堡。而我以文相遜。以迹相疑。譬猶拯溺救
焚。而爲安行徐步之儀也。請詔大臣無滋虛議。不報。

六月庚子朔。日食。旣晝晦如夜。

成都安撫使咎萬壽。以嘉定

唐嘉州地。宋置府。今隸四川。

諸城叛。降元。

元主召汪良臣入朝。謂之曰。成都被兵久。須卿安集之。

授西川行樞密院事。遣還。良臣進攻嘉定。萬壽堅守不出。良臣度有伏兵。大搜山谷。果得而殺之。進壘薄城。萬壽悉軍出戰。大敗。遂籍境內三龜。山名。在今嘉定府東。以形似得名。九頂。山名。在今嘉定府東。一里。隔江山有九峯。故名。紫雲。在今犍為縣東南。亦曰子雲城。相傳揚雄曾居此而諸城降元。元以萬壽僉西川行樞密院事。旣降。兩川郡縣多送款于元。獨四川制置副使張珣固守不下。元主建東西川行樞密院。會兵萬人圍之。軍心不和。珣得以拒守。

以王爚平章軍國重事。陳宜中留夢炎為左右丞相。並兼樞密使。都督諸路軍馬。

王爚與陳宜中不協。會夢炎自湖南入朝。爚宜中皆請相。夢炎而求去。太皇太后曰。二相毋藉此求閑也。乃以

燭平章軍國重事。一月兩赴經筵。五日一朝。宜中夢炎並相。燭即日就民居。以丞相府讓宜中。宜中言一辭一受。何以解天下之譏。因辭去。遣使遮留。乃還。

秋七月。張世傑與元阿珠戰焦山下。世傑敗績。奔圖山。在江濱。有上下二箭洞。

鎮江府丹徒縣東北。山在江濱。有上下二箭洞。

水軍因舟為壘。潮沙之盈縮無常。惟視水勢行舟。艤蕩膠澁之虞。庶可兩免。世傑堅壁中流。既非萬全之策。而又禁其發碇。以驅之于必死之地。即無阿珠火攻。亦不知其將何以制勝也。措置乖方。束手就斃。世傑固忠有餘。而智不足者。

世傑與劉師勇孫虎臣等大出舟師。萬餘艘。次于焦山。令以十舟為方。碇江中流。非有號令。毋得發碇。示以必死。元阿珠登石公山。在今丹徒縣東北。與焦山對峙。望之曰。可燒而走也。遂遣健卒善殼者千人。載以巨艦。分兩翼夾射。阿珠居中。合勢進戰。繼以火矢。蓬檣俱焚。烟燄蔽江。諸軍既碇。舟死戰。至是欲走不能。前軍爭赴江死。張弘範董文

炳復以銳卒橫衝。世傑不復能軍。奔圖山。阿珠引範追之。獲黃白鷄船七百餘艘。師勇還常州。虎臣還真州。世傑請濟師。不報。

放賈似道于循州。籍其家。

似道既免。三學生及臺諫侍從皆上疏乞誅似道。太皇太后不許。而似道亦自上表乞保全。且言爲夏貴孫。虎臣所誤。有旨令李庭芝遣歸越。以終喪制。似道尙留揚不還。王爚復論似道既不死忠。又不成孝。乞下詔切責似道得詔。乃還紹興府。紹興守臣閉城不納。王爚復言于太后曰。本朝權臣稔禍。未有如似道之烈者。搢紳草茅。不知幾疏。陛下皆抑而不行。付人言于不恤。何以

謝天下太后乃降似道三官。婺州居住。婺人聞似道至。

率眾爲露布逐之。尋又徙于建寧府。

詔斬翁應龍籍其家。廖瑩中。王庭。除

名。流之嶺南。皆自殺。

翁合上言。似道總權罔上。賣國召兵。專利虐

民。滔天之罪。人人能言。迫于眾怒。僅謫建寧。夫建寧實

朱熹講道之闕里。雖三尺童子。亦知向方。聞似道名。咸

欲嘔唾。况見其面乎。乞遠投荒昧。以禦魑魅。國子司業

方應發。中書舍人王應麟。亦言之。皆不從。于是侍御史

陳景行。孫嶸。等上疏。以似道罪重罰輕。乞斬之以正

法。乃詔責授高州團練副使。循州安置。籍其家。遣使監

押之貶所。會稽縣尉鄭虎臣。以其父嘗爲似道所配。欲

報之。欣然請行。似道時寓建寧之開元寺。

在今建寧府甌寧縣城南。

晉建。舊名林泉。唐賜今名。侍妾尚數十人。虎臣至。悉屏去。撤轎蓋。暴

行。秋日中。令舁轎夫唱杭州歌謠之。每名斥似道。窘辱

備至。一日入古寺。壁上有吳潛南行所題字。虎臣呼似

道曰。賈團練吳丞相何以至此。似道慙不能對。至泉州

洛陽橋。在今泉州府晉江縣東北。一名萬安橋。宋嘉祐中。太守蔡襄建。遇葉李自漳州

放還。見于客邸。李賦詞贈之。似道俯首謝焉。

陳宜中去位。詔罷王爚為醴泉觀使。召宜中于溫州。

初。張世傑之將出師也。王爚謂二相宜一人督師。吳門

不然。則已請行。宜中甚愧。已而世傑敗于焦山。爚復言

曰。今二相並建都督。廟算指授。臣不得而知。比者六月

出師。諸將無統。臣豈不知吳門去京不遠。而必為此請

者。蓋大敵在境。非陛下自將。則大臣出督。今世傑以諸將心力不一而敗。不知國家尚堪幾敗邪。臣既不得其職。又不得其言。乞罷平章。太后不許。既而京學生劉九

臯等伏闕上書。言宜中擅權。

其畧以爲趙潛趙與鑒皆棄城遁。宜中乃借使過之。

說以報私恩。令狐榘潛說友皆以城降。乃受其苞苴。而爲之羽翼。又天祥率兵勤王。信讒而沮撓之。賈似道喪師辱國。陽請致罰而陰佑之。元兵薄國門。勤王之師乃留之京城而不遣。宰相當出督。而畏縮猶豫。第令集議而不行。呂師夔狼子野心。而使之通好乞盟。張世傑步兵。而用之于水。劉師勇水兵。而用之于步。指授失宜。因以敗事。臣恐誤國。初。宜中事多專決。不關白燾。或謂京將不止一似道也。

學之論實燾。燾之書上。宜中徑去。遣使四輩召之。不至。

太后乃下九臯等臨安獄。而降手詔曰。給舍之奏。謂燾與宜中必難久處。兼燾近奏乞免平章。辭氣不平。誠有

如人言者。可罷燭平章軍國重事。以少保觀文殿大學

士。充醴泉觀使。

燭既罷相。未幾遂卒。燭清修剛勁。不阿權勢。及為相。屬國勢危亡。乃不能協謀。

以濟大事。士論惜之。

元以巴延為右丞相。阿珠為左丞相。

元主召巴延還。至上都。面陳形勢。乞即進兵。遂拜右丞

相。巴延辭曰。阿珠功多。臣宜居後。乃進阿珠左丞相。仍

詔巴延直趨臨安。阿珠仍攻淮南。阿爾哈雅取湖南。萬

戶蘇都爾岱

舊作宋都。今改。

及呂師夔、李恒

西夏之裔。

等取江西。

加夏貴樞密副使。兩淮宣撫大使。貴不奉詔。

詔貴與淮東制置副使知揚州朱煥互調。召李庭芝還

朝。貴不奉詔。煥還揚州。庭芝亦不行。

御批歷代通鑑輯覽 卷之六十四 三
八月。以李芾知潭州。文天祥知平江府。

天祥至臨安。上疏言本朝懲五季之亂。削藩鎮。建都邑。一時雖足以矯尾大之弊。然國以寢弱。故敵至一州。則一州破。至一縣。則一縣殘。中原陸沈。痛悔何及。今宜分境內爲四鎮。建都統御于其中。以廣西益湖南。而建閩于長沙。以廣東益江西。而建閩于隆興。以福建益江東。而建閩于番陽。以淮西益淮東。而建閩于揚州。責長沙取鄂。隆興取蘄黃。番陽取江東。揚州取兩淮。地大力衆。乃足以抗敵。約日齊奮。有進無退。日夜以圖之。彼備多力分。疲于奔命。而吾民之豪傑者。又伺間出于其中。如此。則敵不難却也。時議以爲迂闊。不報。命知平江府。

元以廉希憲行省事于江陵。

阿爾哈雅以江陵地圖上進。請重臣開大府鎮之。元主命希憲行省事。希憲至江陵。阿爾哈雅率其屬郊迎。望拜塵中。荆人大駭。希憲錄舊官。禁剽奪。興學墾田。民情大安。由是思播田揚二氏及西南溪峒。皆越境請降。

冬十月。以留夢炎陳宜中為左右丞相兼樞密使。都督諸

路軍馬。

時夢炎自右相除左相。宜中自觀文殿大學士復除右相。

宜中在溫州被召。以親老力辭。太后自為書遺其母楊氏。使諭之。宜中乃赴召。

元阿爾哈雅圍潭州。李芾力戰禦之。

李芾至潭。元游騎已入湘陰。

五代宋縣。今屬湖南長沙府。

益陽

漢縣。今亦

屬長沙府。諸縣城中守卒不滿三千。芾結峒蠻爲援。繕器械。峙芻糧。柵江修壁。及元兵至。芾慷慨登陴。與諸將分地而守。民老弱皆出結保。伍助之。不令而集。芾日以忠義勸將士。人皆殊死戰。有來招降者。輒殺之以徇。監押官鄭虎臣殺賈似道于漳州。

似道舟次南劍州黯淡灘。

在今延平府城東。其水湍急。其石廉利。號稱極險。虎

臣曰。水清甚。何不死于此。似道曰。太皇許我不死。候有

詔卽死。十月。至漳州木綿菴。

在今龍溪縣南。

虎臣曰。吾爲天下

殺似道。雖死何憾。遂拘其子與妾于別館。卽廁上拉其

胸。殺之。陳宜中至福州。捕虎臣斃于獄。

後十二月復詔許似道歸葬。返

其田廬。

元阿珠圍揚州。李庭芝力戰禦之。

阿珠攻揚。久而不拔。乃築長圍困之。城中食盡。死者枕藉滿道。而庭芝之志益堅。會巴延至灣頭。召諸將授方畧。遂率衆軍南行。

元巴延渡江。分兵東下。

巴延定議分兵爲三道。阿樓罕鄂囉齊。

扎喇台人。按鄂囉齊舊作奧魯。

赤扎喇台。舊作扎喇台。今並改。

帥右軍。自建康出廣德四安鎮。

在今廣德州東。

與長興縣接界。爲江浙陸行通道。

趨獨松關。董文炳姜衛。

國王掃固察之子。按姜衛

舊作相威。掃固察。舊作速渾察。今並改。

帥左軍。出江並海。取道江陰。趨澈

浦。在今海鹽縣南。水經注云。谷水于縣出爲澈浦。以通巨海。卽此。

華亭。以范文虎爲前

鋒。巴延及安塔海將中軍。趨常州。以呂文煥爲前鋒。水

陸並進期會臨安。

文天祥遣兵救常州。不克。

常州告急。天祥使尹玉

寧都人。

麻士龍、朱華與張全

陳宜中所

遣合將兵赴援。士龍戰虞橋先死。玉戰五牧

在今武進縣東南。

前後殺傷數千人。復收殘卒五百。與北兵相持。一夕手

殺數十人。遂死。麾下無一人降者。全華不戰而遁。

十一月。元將阿樓罕克廣德軍。四安鎮。召文天祥入衛。

阿樓罕破銀樹東壩。戍將趙淮

葵之子。

死之。遂至護牙山。

一名伍牙山。在今建平縣東北。為金陵諸山之祖。支派連屬。北接溧陽。

連戰皆捷。進克廣

德軍。四安鎮。陳宜中倉皇發臨安民。年十五以上者。皆

籍為兵。號武定軍。召文天祥于平江。

元將蘇都爾岱、李恒等盡取江西州軍。都統密佑其先密州人。後居廬州。逆戰于撫州，死之。

蘇都爾岱與李恒等長驅所至，莫當其鋒。隆興轉運判

官劉槃以城降。不數月，取江西十一城。進逼撫州。時黃

萬石開閬州治。聞兵至，奔建昌。都統密佑率衆逆戰，進

賢坪。在今進賢縣南。元兵呼曰：「降者乎？鬪者乎？」佑曰：「鬪者也。麾

其兵突進。」元軍圍之數重。佑身被四矢三槍，猶揮雙刀，

率死士數十人，斫圍南走。前渡橋板斷，被執。蘇都爾岱

曰：「壯士也，欲降之，不屈，令其子說之。」曰：「父死，子安之。」佑

斥曰：「汝行乞于市，第云密都統子，誰不憐汝？」怡然自解

其衣，請刑，遂死。元進取建昌，萬石走入閩。

宋史卷一百一十五

三

元巴延克常州屠其民知州事姚嵩希得子通判陳炤字光伯常州

州人。都統王安節堅之子死之。

巴延至常州會兵圍城。姚嵩陳炤劉師勇王安節力戰固守。巴延遣人招之。譬喻百端。終不聽。巴延怒。役城外居民運土爲壘。土至。併人以築之。且殺民煎膏取油以作礮。焚其牌杖。日夜攻不息。城中甚急。而嵩等守志益堅。巴延乃叱帳前諸軍奮勇爭先。四面並進。城遂破。嵩死之。炤與安節猶巷戰。或謂炤曰。城東北門未合。可走。炤曰。去此一步。非死所矣。日中兵至死焉。巴延命屠其民。執安節至軍前。不屈。亦死。師勇以八騎突圍走平江。以謝枋得爲江西招諭使。知信州。

師夔衆族降元並受官職
叛逆顯然而其部曲又爭
相降附呂氏之罪惡更無
可原枋得固素稱守道重
義者何亦狃于私交保其
可信且欲藉以行成其視
司馬遷之于李陵殆有甚
矣迨末年安仁之戰卒敗
于師夔能無自悔邪

初枋得聞淮西江東西州郡守將皆呂氏部曲故爭降
附自以與呂師夔善乃應詔上書以一族保師夔可信
乞分沿江諸屯兵以師夔爲鎮撫使使之行成且乞身
至江州見文煥與議朝廷乃以枋得爲沿江察訪使以
往會文煥北還不及而返遂改知信州

追封故濟王竑爲鎮王

諡昭肅

中書舍人王應麟請爲濟王立後乃詔贈太師尙書令
進封鎮王擇後奉祀賜田萬畝

元軍破獨松關守將張濡遁

獨松旣破隣邑望風皆遁朝廷大懼時勤王師尙三四
萬人文天祥與張世傑議以爲淮東堅壁闔廣全城若

與敵血戰萬一得捷。則令淮師以截其後。國事猶可爲也。世傑大喜。陳宜中白太后降詔。以王師務宜持重。議

遂止。

張濡旣遁。後爲廉希賢之子所殺。

左丞相留夢炎遁。

十二月。遣工部侍郎柳岳如元軍請平。巴延不許。

陳宜中當國。遭時多難。不能措一策。惟事蒙蔽。將士離心。郡邑降破。方且理會科舉明堂等事。及士大夫陳乞差遣。士人覬覦恩例。至是遣柳岳奉書如元軍前。乞班師修好。岳見巴延于無錫。泣請曰。嗣君幼冲。在袞經中。自古禮不伐喪。凡今日事至此者。皆奸臣賈似道失信誤國耳。巴延曰。汝國執戮我行人。故我興師。錢氏納土。

呂文煥喪心負國反面事敵不加以門誅已屬寬典况危急之際懷去就者正多尤當明誅賞以示激勵乃于叛臣族屬不惟不申刑憲轉重予褒崇將何以警亂賊之心而作忠義之氣且文煥既已降元不復繫情故國又豈國王實足以動其心者宋廷舉措若此所見何異孩稚

李氏出降皆汝國之法也。汝國得天下于小兒亦失于小兒。天道如此。尙何多言。遂令曩加特奈曼人舊作偌囊加反今改岳還。而別遣人奏上都。追封呂文德爲和義郡王。

朝議以呂文煥爲元鄉導。乃追封文德。而以文德子師孟爲兵部侍郎。覲成和議。

元巴延入平江。

平江府通判王矩之。都統制王邦傑。以城迎降于常州。巴延使呂文煥先往受之。然後入城。張世傑未至。平江已破。乃以兵入衛。

復遣柳岳如元求封。行至高郵。民殺之。

是時敵兵深入臨安已在掌握之中宋君臣即欲屈節圖存元人安肯捨垂成之功遽為返旆乃始則抗請班師繼則求封小國惟冀延殘喘甘于含垢包羞而不顧徒辱其名而終歸無益直當諡為至愚而已獨惜陸秀夫後既有負海之節而此時默無一言且舉稱姪孫之約以往見巴延何哉

陳宜中因柳岳還復奏遣宗正少卿陸秀夫及呂師孟等同曩加特使元軍求稱姪納幣不從則稱姪孫且勅呂文煥令通好罷兵秀夫等見巴延于平江巴延不許宜中乃白太后奉表求封為小國太后從之直學士院高應松開慶元年進士不肯草表改命京局官劉裒然為之岳等至高郵嵇家莊為嵇聳所殺

黃萬石叛降元統制米立

淮人死之

立初從陳奕守黃州奕降立潰圍出萬石署為帳前都統制元軍畧江西立迎戰于江坊兵敗被執不降繫獄至是萬石舉軍降元元行省遣萬石諭立曰吾官銜一牙牌書不盡今亦降矣立曰侍郎國家大臣立一小卒

爾但三世食趙氏祿。趙亡。何以生爲。立乃陳上生擒之。人與投拜者不同。萬石再三諭之。不屈。遂遇害。

丙子二年

是年依前夏商例。一歲而係。三月以前爲宋德。三月以後爲元至元十三年。說詳後。

春

正月。元阿爾哈雅破潭州。湖南鎮撫大使知州事李芾死之。遂盡取湖南州軍。

阿爾哈雅督戰益急。與諸將畫地分圍。決隍水以礮攻之。城中大窘。力不能支。諸將泣請曰。事急矣。吾屬爲國死可也。如民何。芾罵曰。國家平時所以厚養汝者。爲今日也。汝第死守。有復言者。吾先戮汝。除夕。元兵登城。蟻附而上。知衡州尹穀。字耕叟。潭州長沙人。時寓城中。知事不可爲。與其家人自焚。芾命酒酌之。因留賓佐會飲。夜傳令。猶

手書盡忠字為號。飲達旦。諸賓佐出參議。楊霆字震起

園池死。芾坐熊湘閣。召帳下沈忠。遺之金曰。吾力竭。分

當死。吾家人亦不可辱于俘。汝盡殺之。而後殺我。忠辭

以不能芾固命之。忠泣而諾。取酒飲其家人。盡醉。乃徧

刃之。芾亦引頸受刃。忠縱火焚其居。還家殺其妻子。復

至火所。大慟。舉身投地。乃自刎。幕僚陳億孫安仁人。顏應

嶽皆死。潭民聞之多舉家自盡。城無虛井。縊林木者相

望。元旦守將吳繼明。劉孝忠。以城降。阿爾哈雅傳檄諸

郡。由是袁連。衡永。郴全。道桂。陽武。岡皆降于元。寶慶通

判曾如驥亦不屈而死。事聞。贈芾端明殿大學士。諡忠節。

陳文龍。元年十二月。文龍參知政事。黃鏞。元年十一月。鏞同遁。以吳堅

元年十二月。堅發書樞密院事。為左丞相。兼樞密使。常楙字長孺。同曾孫。參知政事。

日午。宣麻慈元殿。文班止六人。尋以夏士林簽書樞密院事。楙及士林皆遁去。

召留夢炎還。亦不至。詔即以為江東。西。湖南。北。宣撫大使。

諸關兵皆潰。

知嘉興府劉漢傑。以城降元。元兵圍安吉州。知州趙良

淳。字景程。汝愚曾孫。居饒之餘干。與提刑徐道隆。字伯謙。婺州武義人。同守。時元

兵迫行都。召道隆入衛。道絕不通。乃由太湖經武康。晉縣。

今屬湖州府。臨安。晉縣。今屬杭州府。縣境勤王。范文虎致書誘良淳

降。良淳焚書。斬其使。元兵至。良淳率眾城守。夜就菱舍

陴上不歸。既而戍將吳國定開門納元兵。良淳命車歸

府兵士止之曰。侍郎何自苦。良淳叱去之。閉閤自經。元兵追道隆及之。一軍盡沒。道隆見執。伺守者少怠。赴水死。

遣監察御史劉昂奉表稱臣于元。

陸秀夫還言。巴延不肯從伯姪之稱。太后命用臣禮。陳宜中難之。太后涕泣曰。苟存社稷。稱臣非所較也。遂遣昂奉表稱臣。上尊號。歲貢銀絹二十五萬兩匹。乞存境土。以奉烝嘗。且約巴延會長安鎮。在今海寧縣西北。與仁和县縣接界。以輸平。

進封吉王。是爲益王。判福州。信王昺爲廣王。判泉州。

初。召文天祥知臨安府。天祥辭不拜。請以福王。秀王。名與

釋。安僖王。判臨安。係民望。身爲少尹。以死衛宗廟。又乞
子傅之後。命吉王。信王。鎮閩廣。以圖興復。俱不許。至是。宗親復請。
太后從之。以駙馬都尉楊鎮。及楊淑妃弟亮節。俞修容
弟如珪。提舉二王府事。

陳宜中請遷都不果行。

宜中以元不許和。計無所出。乃率羣臣入宮。請遷都。太
后不許。宜中慟哭以請。太后命具裝以俟。及暮。宜中不
入。太后怒曰。吾初不欲遷。而大臣數以爲請。顧欺我邪。
脫簪珥投之地。遂閉閣。羣臣請見。皆不納。蓋宜中實以
翌日行。倉卒失于奏爾。

元巴延軍皋亭山。

在今仁和縣東北。

太皇太后遣使奉璽以降。右

丞相陳宜中夜遁。

巴延至長安鎮。陳宜中違約不往議事。巴延乃進次皇

亭山。阿朮罕、董文炳之師皆會。遊騎至臨安府北關。

卽今

北新關在仁和县北武林門外。文天祥、張世傑請移三宮入海。而已帥

衆背城一戰。宜中不許。白太后遣監察御史楊應奎上

傳國璽以降。巴延受之。遣使召宜中議降事。而使曩加

特奉璽表赴上都。應奎旣行。是夜。宜中遁歸于溫州之

清澳。

張世傑、劉師勇各以所部兵入于海。

世傑、師勇及蘇、劉義以不戰而降。遂去。世傑次于定海。

宋縣今改名鎮。海屬寧波府。

元石國英使都統卞彪說世傑降。世傑

以爲彪來從已俱南也。椎牛享之。酒半。彪從容爲言。世傑大怒。斷彪舌。磔之于巾子山。在今鎮海縣東北。山形卓立如巾幘。故名。師勇至海上。見時事不可爲。憂憤縱酒卒。

吳堅。文天祥如元軍。巴延執天祥。遣堅還。

楊應奎還。言巴延欲執政面議。太后乃以天祥爲右丞相。兼樞密使。天祥先拜簽書樞密院事。與吳堅偕往。天祥辭不拜。遂

行。因說巴延曰。北朝若以宋爲與國。請退兵平江。或嘉興。然後議歲幣與金帛犒師。北朝全兵以還。策之上也。若欲毀其宗社。則淮浙閩廣。尙多未下。利鈍未可知。兵連禍結。必自此始。巴延以北詔爲辭。顧天祥舉動不常。疑有異志。留之軍中。遣堅還。天祥怒。數請歸。曰。我之此

來爲兩國大事。何故留我。巴延曰。勿怒。君爲宋大臣。責

任非輕。今日之事。正當與我共之。令蒙固岱

蒙古塔塔爾氏舊作

忙兀台。索多館伴羈縻之。

駙馬都尉楊鎮等奉益王廣王走婺州。

楊淑妃。秀王與擇從行。

元呂師夔侵江東。謝枋得迎戰。敗績。

枋得與元戰于安仁。

陳縣今屬饒州府

矢盡而敗。遂奔建寧。

宋

枋得固講理學者。戰而敗死。國事可也。乃變姓名而竄。猶以論學爲人所宗。正所謂進退無據。史尙有與辭。豈正見哉。

名屬福建路。今福建建寧府是。

山中。妻子皆被執。

枋得至建寧。變姓名寓逆旅中。日麻衣躡屨。東鄉而哭。人不識之。以爲被病也。已而去賣卜建陽市。中有來卜者。惟取米屨而已。委以錢。率謝不取。其後

人稍稍識之。多延至其家。使爲弟子論學。

建陽。晉縣。今屬建寧府。

二月。日中有黑子。

元巴延遣人入臨安封府庫收圖籍符印。

巴延承制以臨安爲兩浙大都督府命蒙固岱范文虎入城治都督府事又令程鵬飛取太皇太后手詔及三

省樞密院檄諭州郡降附執政皆署家鉉翁

眉州人時爲簽書樞

密院事

獨不肯鵬飛令縛之鉉翁曰中書無縛執政之理

歸私第以待命可也乃止巴延進屯湖州市

在今杭州城北復

令呂文煥及范文虎等慰諭太皇太后文煥因入內上

表謝而出

畧曰茲銜北命來抗南師視以大馬報以仇讐非日子弟攻其父母不得已也倘何言哉

巴延令張惠阿樓罕董文炳張弘範索多等封府庫收

史館禮寺圖書及百司符印告勅罷官府及侍衛軍尋

復索宮女內侍及諸樂官宮女赴水死者以百數

以賈餘慶爲右丞相兼樞密使。是年正月。餘慶已同簽書樞密院事。劉岳同簽書樞密院事。與吳堅謝堂家鉉翁並充祈請使如元。謝堂逃歸。

餘慶兇狡殘忍。岳狎邪小人。皆乘時竊美官。謂使畢卽歸。由是罷遣文天祥所部勤王兵。堂納賂于北而遁。元人以文天祥北去。天祥尋自鎮江亡入真州。遂浮海如溫州。

巴延嘗引天祥與吳堅等同坐。天祥面斥賈餘慶賣國。且責巴延失信。呂文煥從旁諭解之。天祥并斥文煥及其姪師孟。父子兄弟受國厚恩。不能以死報國。乃合族爲逆。尙何言。文煥等慚恚。巴延遂拘天祥。隨祈請使北。

行至鎮江天祥與其客杜濬

字貴卿。範從子。

等十二人。夜亡入

真州。苗再成出迎喜且泣曰。兩淮兵足以興復。持二閫

小隙。不能合從耳。天祥問計將安出。再成曰。今先約淮

西兵趨建康。彼必悉力以扞我西兵。指揮淮東諸將以

通泰兵攻灣頭。以高郵寶應淮安兵攻揚子橋。以揚兵

攻瓜步。吾以舟師直擣鎮江。同日大舉。灣頭揚子橋皆

沿江脆兵。且日夜望我師之至。攻之卽下。合攻瓜步之

三面。我自江中一面薄之。雖有智者。不能爲之謀矣。瓜

步旣舉。以淮東兵入京口。淮西兵入金陵。要其歸路。其

大帥可坐致也。天祥大稱善。卽以書遺李庭芝。遣使四

出約結。初。天祥未至真時。揚有逸卒。言元密遣一丞相

入真州說降矣。庭芝信之。以爲天祥來說降也。使再成
亟殺之。再成不忍。給天祥出相城壘。以制司文示之。閉
之門外。久之。復遣二路分覘天祥。果說降者。卽殺之。二
路分與天祥語。見其忠義。亦不忍殺。以兵二十人道之
如揚。四鼓抵城下。聞候門者。談制置司下令。備文丞相
甚急。衆相顧吐舌。天祥乃東入海。道遇元兵。伏環堵中。
得免。然饑莫能起。從樵者乞得餘糝羹。行入板橋。元兵
又至。衆走伏叢篠中。兵入索之。執杜潛。金應以去。潛應
以所懷金與卒得逸。二樵者以贖荷天祥至高郵。遂由
通州汎海如溫。以求二王。

浙江潮三日不至。

時元軍分駐江沙上。杭人方幸之。潮汐竟三日不至。
元巴延使范文虎追益王。廣王不及。執楊鎮還臨安。二王
遂走溫州。

巴延聞二王自嘉會門出。渡浙江而南。遣范文虎將兵
追之。楊鎮得報即還。曰。吾將就死于彼。以緩追兵。楊亮
節等遂負二王及楊淑妃。徒步匿山中七日。統制張全
以兵數十人追及。遂同走溫州。

夏貴以淮西叛。降元。知鎮巢軍。唐巢縣地。宋置鎮巢軍。今仍爲縣。屬廬州府。洪

福死之。

阿珠屯淮南東道。其西道屬之萬戶昂吉爾。張掖人。姓

氏按昂吉爾舊作昂吉兒葉俾駐和州。進攻廬州。夏貴
普爾努舊作野蒲今並改

以書抵巴延曰。願毋費國力。攻奪邊城。若行都歸附。邊城焉往。至是。舉所部納欵于元。元以貴爲淮西安撫使。有洪福者。貴家僮也。從貴積勞。知鎮巢軍。貴旣北降。招福不聽。使其從子往。福斬之。元兵攻城久不拔。貴至城下。好語語福。請單騎入城。福信之。門發而伏兵起。執福父子。屠城中。貴蒞殺福子大源。大淵。諄曰。法止誅首謀。何乃舉家爲戮。福叱曰。以一命報宋朝。何至告人求活邪。次及福。福大罵。數貴不忠。請身南向死。以明不背國。聞者流涕。

三月。元巴延入臨安。以帝及皇太后全氏。福王與芮等北去。宋亡。

巴延自湖州市入城。建大將旗鼓。率左右翼萬戶巡城。

觀潮于浙江。又登獅子峯。

在今錢塘縣天竺西南。風篁嶺之北。

觀臨安形

勝。部分諸將。時福王亦自紹興至。巴延深慰之。太皇太后及帝欲與相見。巴延固辭曰。未入朝。無相見之禮。明日發臨安。安塔海等入宮宣詔。免牽羊繫頸之禮。趣帝及太后入覲。太后泣謂帝曰。荷天子聖慈活汝。宜拜謝。禮畢。帝與太后肩輿出宮。太皇太后以疾留內。與芮及沂王乃猷。度宗母隆國夫人黃氏。并楊鎮。謝堂。高應松。庶僚劉袞然。三學生等皆行。太學生徐應鑣。字巨翁。衢州江山人。與其二男一女。同赴井死。

